

四庫全書

史部

欽定四庫全書

史部

江西通志卷一百十三

詳校官纂御史_臣范衷

檢討_臣德生覆勘

總校官知縣_臣楊懋珩

校對官中書_臣潘庭筠

謄錄監生_臣馮曰琮

欽定四庫全書

江西通志卷一百十三

寺觀

三

饒州府

永福寺

在府治東梁鄱陽王蕭恢捨宅為寺宋天聖二年有二異僧至建石塔高三十丈元至正二十

二年斲基得玻璃瓶中貯甘露貢于朝遂詔以甘露名其門明宣德七年遷府治于寺右隙地

真覺寺

在鄱陽縣文北鄉梁天監二年創

桐源寺

在鄱陽縣文南鄉梁天監二年創

西臺寺

在鄱陽縣崇德鄉
梁天監四年創

寶勝寺

鄱陽縣有二一在文北鄉
梁天監四年建一在和北鄉
唐開元七年建

華巖寺

在鄱陽縣義感鄉
梁大同元年創

龍光寺

在鄱陽縣義仁鄉
梁大同十年創

羅湖寺

在鄱陽縣文北鄉
梁大同十年創

淨慧寺

在鄱陽縣懷仁鄉
唐貞觀元年創

荆山寺

在鄱陽縣義仁鄉
唐貞觀四年創

龍安寺

鄱陽縣有二一在文北鄉
唐貞觀六年創一在復禮鄉
宋建炎間創

妙果寺

在朝天門外寶勝橋西南唐貞觀十年創內有塔一

法雲寺

在鄱陽縣利陽鎮唐永隆元年創

薦福寺

在督軍湖北唐建元李燮明永樂間重建南昌胡儼記萬曆末年叅政舒其志知府侯加采建

莫莫堂

吉祥寺

在鄱陽縣立德鄉唐開元六年創

東塔寺

在朝天門內唐太和三年創

覺林寺

在鄱陽縣復禮鄉唐大初中創

三龍寺

在鄱陽縣新城鄉唐乾寧間創

法華寺

在鄱陽縣和南鄉唐乾寧間創

治平寺

在鄱陽縣永福鄉唐天祐年創

南塘寺

在鄱陽縣唐天祐中建朱子有詩

羅山寺

在鄱陽縣新興鄉後梁開平四年創

寒山寺

在鄱陽縣義仁鄉楊吳乾貞間創

芝山寺

在府城外芝山麓宋初創寺後有碧雲軒

南天王寺

在鄱陽縣南保坊南岸宋時創

地藏寺

在鄱陽縣和南鄉宋開寶四年創

浮洲寺

在鄱陽縣東湖中督軍臺宋治平二年創

元妙觀

在府城東魁輔坊晉咸寧二年創舊址在東湖百花洲唐大中二年移至城東改額開元觀宋

大中祥符三年詔額天慶觀創朝元閣范文正知饒時為鑿靈龜池七星井建鐘樓元貞二年詔改今

額至正間兵燬明洪武初重建嘉靖間遷至城外烈女橋本朝康熙四年邑人查元長復捨地為觀基

蓮花觀

在鄱陽縣千秋鄉一名真武堂晉建

延祥觀

在鄱陽縣馬跡山王真人沖舉處道書第五十二福地隋大業間建唐宇迴廊羽流雲集元燬

于火明初重建萬歷甲辰道紀曹志誠募修

朝元觀

在鄱陽縣文北鄉宋咸淳間建

丹霞觀

在鄱陽縣錦貽坊東元大德中創明遷朝天門外後廢今為史部諫準提菴

紫極宮

在府城西桃源山麓舊在府城東南隅建于唐開元二十九年周顯德初移今處元總管常福

生重建至明為祝釐之所又為宗室香火院萬厯四十三年參政舒其志知府侯加采增修已廢

仇香寺

在餘干縣東隅梁天監創漢仇香後裔以其宅建寺故名

昌國寺

在餘干縣冠山西麓梁天監間建思禪寺宋元符改今額

法慧寺

在餘干縣城內北隅梁天監僧弘建連雲菴宋祥符改今額建中靖國重修侍郎張公弼記

龍泉寺

在餘干縣大慈北鄉梁天監中建

羅漢寺

在餘干縣習泰鄉梁天監中建

白雲寺

在餘干縣孝誠鄉梁普通間創

下資福寺

在餘干縣德化北鄉唐上元中建

洪崖寺

在餘干縣洪崖鄉唐天寶中建

古大寺

餘干縣有二一在大慈北鄉唐大曆中建一在德化北鄉宋明道中建

洪福寺

在餘干縣洪崖鄉楊吳武義中建

南山寺

在餘干縣德化北鄉宋明道中建

清溪觀

在餘干縣習泰鄉梁天監中建晉白水真人吳丹修煉之所

崇道觀

在餘干縣東隅白雲真人修煉之所梁大通中建元貞中王德明重建李桓記

元明觀

在餘干縣治西
陳永定中建

仙壇觀

在餘干縣洪崖
鄉元大德中建

安隱寺

在樂平縣治西
晉大興二年
建宋祥符九年
賜額

太平寺

在樂平縣都理
鄉唐儀鳳中建

上元寺

在樂平縣懷義
鄉唐天寶中建

孟建寺

在樂平縣金山
鄉唐天寶中建

板舟寺

在樂平縣豐樂
鄉唐太和中建

桐林寺

在樂平縣永善
鄉唐太和中建

江源寺

在樂平縣靜理鄉唐太和中建

永寧寺

樂平縣有二一在金山鄉唐乾寧中建一在萬全鄉宋建

寶勝寺

在樂平縣樂安鄉唐天祐中建

廬子寺

在樂平縣萬全鄉唐天祐中建

童嶺寺

在樂平縣樂安鄉楊吳順義中建

資福寺

樂平縣有三一在金山鄉南唐係大中建一在豐鄉宋政和中建一在樂安鄉宋寶慶中建

東山寺

在樂平縣永豐鄉宋太平興國中建已廢

崇聖寺

在樂平縣治北宋天聖八年賜額已廢

教忠寺

在樂平縣永善鄉宋乾道中建王剛中奏賜額

本教寺

在樂平縣永善鄉宋咸淳初馬廷鑑奏賜額

天仙觀

在樂平縣靜理鄉唐太和中建

萬壽觀

在樂平縣治西北宋紹興中建

武當觀

在樂平縣永豐鄉宋咸淳中賜額

白雲觀

在樂平縣靜理鄉元貞中建

慶元觀

在樂平縣萬全鄉元皇慶中建

清寧觀

在樂平縣豐樂鄉元至正間葉鈞仲奏請賜額已廢

雙峯寺

在浮梁縣大惟都漢元嘉元年僧如志建元末燬

靈鐘寺

在浮梁縣法京都原名雙溪院即梁天監中取鐘之處因改今名宋咸淳中修萬曆間重修

興福寺

浮梁縣有二一在三里都唐武德九年僧鎮安創元末燬明洪武元年興復一在儒林都宋紹

興五年僧詒建元末燬明洪武庚戌重修

興化禪寺

在浮梁縣上梅田都唐天寶十載僧銑建元末燬明洪武壬子重建

觀音寺

在浮梁縣西隅唐天寶中僧澄淨建元末兵廢明洪武戊申重興

臨河寺

在浮梁縣上長源都唐永泰元年僧章建元末燬明洪武間重興

安谷寺

在浮梁縣益源都唐元和九年僧曉章建元末廢明洪武初重興

石仙寺

在浮梁縣南村都唐元和九年僧
蔡心建元末廢明洪武間重興

青龍寺

在浮梁縣新正都唐會昌四年
僧知建元廢明洪武戊戌重興

清峯寺

在浮梁縣河東唐大中七年僧
普建元末燬明洪武壬子重興

寶積寺

在浮梁縣北隅唐大中時幽禪師建宋佛印修
戒于此手植二柏元末寺壞明洪武甲子重興

後有三賢堂祀蘇軾黃庭堅及佛印
萬曆乙巳知縣周起元建禪枝靜閣

資福寺

浮梁縣有四一在魚步都唐咸通二年僧無極
建已廢一在下梅田都宋景德年建久圯明萬

曆二十年重修一在下義合都元至正二年僧崇
建明洪武戊午重興一在湖田都明洪武時復建

崇教寺

在浮梁縣修溪都唐天祐三年僧
祥建元末燬明洪武戊申重興

陽府寺

在浮梁縣里仁都宋紹興十年僧紹溪建元末燬明洪武戊申重興

萬壽寺

在浮梁縣下連都宋江山道者建有龍池禱雨每應

祝聖寺

浮梁縣有三一在法京都宋政和元年僧如建明洪武六年重修已廢一在蓋源都元至正元

年僧太朴建元末燬後復興一在勝奉都明洪武初僧朗建嘉靖間燬

清源觀

在浮梁縣東隅內有濃谷軒晉太康元年立雙溪觀宋宣和中勅賜大清源觀元末燬明洪武

中重建

廣福觀

在浮梁縣長香都唐開元中道士楊雪屋建元末燬明初重興

傳元觀

在浮梁縣西元至元中邑進士李雷澤恰基元末燬明初重建

長寧道院

在浮梁縣長寧鄉宋寶祐二年道士
孫斗山建元末燬明初重興已廢

崇真道院

在浮梁縣彭村都元成祐中道士黃
志瑞建元末燬明洪武已酉重興

靜住寺

在德興縣東四里唐開元中僧機建宋叅政張
燾讀書其間寫壁觀二大字刻石明萬厯間寺

廢

南禪寺

在德興縣南上街唐貞元二年僧智惠
創宋熙寧間邑人余士隆施田修葺

泗洲寺

在德興縣五都唐太和中殿直陳善施地僧熙
建明洪武八年僧本立修萬厯間燬僧性闍海

源重
新之

妙明寺

在德興縣六都唐咸
通元年僧契祖建

永福寺

在德興縣十七都唐咸通元年僧崇廣建明洪武十六年僧彭文復建

福聖寺

在德興縣二十五都唐咸通元年僧澄榮建宋祥符間僧立新之

鳳凰寺

在德興縣三十八都唐咸通元年僧法刺建明洪武二年僧法堡重修

明教寺

在德興縣十四都唐天祐元年僧志隆法苑建明洪武三年僧綺濟復建

報恩寺

在德興縣治東南唐天祐七年僧遠師建宋隆興二年勅賜張叅政充功德院改名報恩寺明

末燬

縣丞盧燦率眾改建大雄殿

燒香寺

在德興縣四都唐天祐間僧贊山建宋景定元年僧妙濟復建

長慶寺

在德興縣治南楊吳順義二年僧濟川創宋秘書余時昇捨田入寺明洪武景泰間先後重建

廢已

資福寺

在德興縣二十三都楊吳順義四年僧道堅建明洪武十五年僧清玉重建萬厯間復建大雄

觀音
諸殿

臨福寺

在德興縣二十七都南唐昇元二年僧禮師建明永樂十七年重建

霧山寺

在德興縣三十都宋祥符三年僧寶創明永樂八年僧興福復建

東泉寺

在德興縣二都宋建炎四年僧穆蒼建明永樂八年胡聰文重建

妙元觀

在德興縣東一里晉昇平二年葛稚川開山煉丹道士虞九霞募衆建觀唐總章間賜額曰仙

鶴觀宋政和二年改妙元觀元至元間僧楊總制據為仙臺寺明洪武三年復建三清殿邑人王和余仲

敬有記

洞真觀

在德興縣八都宋乾道間建明嘉靖間重新

泰華觀

在德興縣一都宋咸淳甲戌里人張洪施地道士孫雷隱創明洪武七年道士王道初重建

平林觀

在德興縣十二都元貞二年道士江雪舟建明洪武成化間相繼重建有碑

北溪觀

在德興縣二十六都元至正十年里人葉孔彰施地道士劉行簡建明永樂十五年重新

馬祖禪寺

在安仁縣十四都唐建宋咸平二年僧幻菴修行其中元季兵燬明洪武初僧道本重興

二十五年歸併中興道院靈山菴入寺為叢林僧白雲住持永樂八年僧行普增建三門飯堂萬曆間僧

覺心募建圓通閣經堂

新光寺

在安仁縣十七都唐大中二年僧新師創宋紹興二年僧性了修元季兵燬明洪武初僧玉庭

重建二十五年
歸併蓮花叢林

東臺寺

在安仁縣崇義鄉唐景福元年省公和尚開建名資勝寺宋淳祐間楊漢兄弟三人俱登進士

第漢為東臺官奏陞為東臺資勝寺元季兵燬明洪武間興復已廢

中興寺

在安仁縣崇祿鄉唐大順二年無極禪師開山元季燬明洪武初重建二十五年歸併馬祖禪

廢寺已

吳山寺

在安仁縣崇義鄉唐天祐二年僧翠琰建元至正壬辰兵燬明洪武二十五年歸併南源華山

南禪中峯吉泉池山了
山七院成叢林已廢

長慶寺

在安仁縣榮祿鄉唐天祐三年僧成大建元季兵燬明洪武中僧雪窗重興

慧禪寺

在安仁縣榮祿鄉宋咸平二年僧海印建元季兵燬明洪武初僧無言重興已廢

蓋竹寺

在安仁縣長城鄉宋咸平二年僧若無建元末兵燬明洪武四年僧小峰重興二十五年歸併

玉石
叢林

蓮花寺

在安仁縣崇德鄉宋咸平二年僧節堂建元季兵燬明洪武十六年僧性空重建已廢

天王寺

在安仁縣遊藝坊宋天聖二年馬長者捨基及塑四天王已廢改為義倉

水陸寺

在安仁縣榮祿鄉宋建炎間僧遠天開基元末兵燬基址水湮明洪武十三年移至李坊平洋

之地環雙溪焉二十
九年僧繼孟重興

吉泉寺

在安仁縣崇義鄉宋咸淳元年僧東雲建明洪武初永福寺僧玉亭復興本朝康熙十一年

重建

白塔寺

在安仁縣長城鄉宋咸淳中閩僧紹澄建元季兵燬洪武初僧明成重興劉無忌撰記

香城寺

在安仁縣崇德鄉宋趙汝勲建以祠附焉

福慶教寺

在安仁縣治東果老峯枕羅漢石上有巨人趾唐太和間僧行宗建元末兵燬明洪武初

僧大用興復嘉靖間同玉石寺徙冲虛山

玉石教院

在安仁縣治東南宋咸平二年僧成師建元季兵燬明洪武三年僧無盡慶雲先後興復

嘉靖間徙創冲虛山久圯本朝康熙十一年知縣程瀚重建

逍遙觀

在安仁縣招仙山舊名黃婆店世傳東晉有黃婆市酒王郭二仙于此經過宋宣和間賜額逍

遙觀

明成觀

在安仁縣崇德鄉山田村元泰定元年吳全節建祀父饒國公墓學士趙孟頫為記明洪武間

道士吳從善
重興已廢

崇文宮

在安仁縣西崇文坊元大德九年吳全節創建名萬壽崇真館皇慶九年改額崇文宮虞集揭

傒斯
北

撰文元末兵燬明萬厯間修復本朝康熙十年知縣程瀚重修

至道宮

在安仁縣北隅世為神仙之宅東晉道士張蒼玉開創為龍虎別館三官道院南唐保大間為

三清觀元至大間陞額冲虛至道宮元末兵燬明洪武三年諸葛崇正重興二十五年以逍遙明成崇文

三觀歸併為叢林邑士李卓記
本朝康熙十九年知縣胡績顯改創為福慶禪林

竹屯寺

在萬年縣西隅唐太和建屢燬于兵
明正德間餘干法德寺僧宗珪重建

七詔寺

在萬年縣六都唐尚書劉汾致仕時居
此唐僖宗凡七詔徵之不起故以此名

武山寺

在萬年縣五都明
參政吳廷舉建

普濟庵

在萬年縣陳營村而抱溪
流背枕玉麓松竹掩映

妙行庵

在萬年縣雲紫峯下由雲源深入十餘里兩山
環峙谿谷深邃其下有龜蛇二石盤曲相向

靈鶴觀

在萬年
縣八都

正一觀

在萬年縣八都前有七星墩後
有流衣塘宋祥符間劉端富建

南康府

秀峯寺

原名開先寺在星子縣廬山南麓南唐李中主書堂後立為開先寺馮延巳有記宋太平興國

二年賜名開先華藏明天順初復舊名後燬知府潘志尹重建本朝順治間僧曹源修康熙二十八年

聖祖南巡至杭州巡撫宋犛重修四十二年二月

命巡撫張志棟賁御書般若心經一卷賜寺三月二十六日又

賜御書江淹從冠軍建平王登廬山香鑪峯詩摹勒上石建亭於寺四十六年春寺僧超淵迎

鑒淮安隨至松江三月二十八日勅賜御書秀峯寺匾額四十八年巡撫郎廷樞修學士查

昇有碑記五十七年巡撫白潢又修大殿建御書樓置香火田自為記

瞻雲寺

原名歸宗寺在星子縣金輪峯下僧佛馱耶自西來王羲之施宅為寺唐智常禪師居之宋嘉

祐間周伯祥增修明萬厯間肅皇太后施藏經于寺本朝順治間重修

智林寺

即慈雲院在星子縣青牛洞前晉僧法濟建明天順間僧惠永重建

樓賢寺

在星子縣五老峯下南齊參軍張希之創唐李渤嘗讀書于此本朝康熙六年僧石鑑募重

建掘地得舍利一瓶造塔藏之編修萬承蒼有阿羅漢圖記

萬杉寺

在星子縣慶雲峯下唐名慶雲院宋景德中僧大起手植萬杉本朝康熙初年僧刮玉重建

黃巖寺

在星子縣雙劍峯下唐僧智常建

折桂寺

在星子縣凌雲峯下唐李逢吉讀書于此舉進士故名朱子有記

落星寺

一名法安院在府南三里落星石上唐乾寧間僧清隱建天祐間賜額為福星龍安院已廢

能仁羅漢寺

在星子縣宋咸平間廣濟堅禪師建成章聖皇后夢十八應真乞歸廬山已而高麗

來貢佛及羅漢金像詔就寺供奉賜藏經上田碼碯琴象皮鼓已廢

淨慧寺

在星子縣馬英山即宋昌院祥符中改今名明天順初僧繼成重建

天寧寺

在府治西城宋為崇寧萬壽院後改光孝淳熙間重建改今名明洪武間設僧綱司後圯萬歷

二十一年知府田增重建為習儀之所本朝康熙十年知府廖文英重修

兜率寺

一名護國院在星子縣治南半里宋崇寧四年僧法克建已廢

大成寺

即大成巷在星子縣張家山南宋乾道中僧雲峰建

屏風寺

即余峯庵在星子縣屏風山北宋淳熙間僧太虛建明成化初僧廣玉重建

萬壽寺

即萬壽院在星子縣行通峯下宋僧法緣建

太平寺

在星子縣凌霄巖西南宋僧高峰建

石佛寺

舊名青蓮菴在府北二十里宋僧度林建明宣德中僧普營重建

華嚴寺

舊名般若院在折桂寺北宋僧規圓建

迴風寺

即迴風菴在星子縣迴風嘴宋僧慧益建

慧日寺

即慧日院在星子縣仙居洞宋僧如義建明天順間僧慧廣重建

吉祥寺

在星子縣五老峯下楊衡有詩

延豐寺

舊名延豐院一名慈恩院在府西四十里

凌霄崖院

一名明真院在府西北二十五里唐馬祖建今馬祖洞猶存可容數十人旁有石龕亭臺

泉石
幽秀

開福院

在府西南七十里赤眼禪師結菴唐賜號興國宋太宗賜今名

靈陽淨慧禪院

舊名黃龍院在府西三十里宋景德三年賜今名俗謂之靈湯寺

楞伽院

在府北三十五里即宋李常白雲菴張孝祥有詩

昭德源院

在星子縣廬山後朱子有詩

觀音菴

星子縣有二一在五老峰下宋僧智超建一在丹桂鄉亦名觀音閣

甘露菴

在府城外本吳姓故宅順治間巡撫蔡士英按察李長春創正殿康熙七年知府王秉忠新建前殿

玉京觀

在星子縣玉京山晉道士黃遠智建

靈溪觀

在星子縣紫霄峰舊名祥符觀南齊永明元年道士宋文超建宋賜今名

先天觀

在星子縣紫霄峯下梁大同二年鄱陽令李文江建南唐立石碑陰刻當時壩御姓氏宋賜今

名久廢

景德觀

在府西四十里梁大同中道士張族深學老子術棲谷中武帝嘉之為立觀宋熙寧中賜今名

已廢

承天白鶴觀

在星子縣五老峯下唐弘道元年建宋大中祥符賜名方輿記云廬山秀麗為江南

第一而此觀復為廬山第一傍有木瓜巖後有劉混成丹井藥臼

尋真觀

一名冲虛觀在府北二十五里唐貞元間女仙蔡尋真修煉于此嘗有詩名關干曲道書以為

第八洞天

昭德觀

在星子縣卓嶺東唐女仙李騰空所居一名延真觀李白有詩

青霞觀

舊名黃龍觀在府西三十里唐道士譚紫霄建宋賜今名

廣福觀

原名聖壽觀在府南一里遞運所南唐道士譚紫霄建已廢

元妙觀

在府南九江道右宋祥符間建名天慶觀元改今名明洪武間設道紀司後以觀近公署巡撫

翁溥析為二一遷海陽門內舊慈化院基一遷城西舊能仁寺基以觀址為尚書陶尚德宅

簡寂觀

舊名太虛觀在府西一十五里宋陸修靜卒謚簡寂因以名觀觀前有白雲朝真二館上有布

袋巖內有修靜煉丹井朝斗石梁
僕射沈璇碑記唐韋應物有詩

新開寺

在都昌縣治西南唐開元中馬祖道一禪師建明洪武中重建

禪山寺

在都昌縣治東新城鄉儲山之陰唐馬祖建

佛興寺

在都昌縣治東孝行鄉唐馬祖建宋相江古心修明洪武中歸併諸寺以此有古佛三座得存

龍池寺

在都昌縣治西義風鄉僧英建

金山寺

在都昌縣治東北太平鄉虛英禪師夜夢山巒四圍放光如金遂名金山明洪武二十四年歸

併臺山嘉瑞靈溪
周溪以為東林

報恩寺

在都昌縣治
西白鳳鄉

清隱寺

在都昌縣南山
明嘉靖間重建

團峯寺

在都昌縣治北五
十里有古山茶

報恩觀

在都昌縣晉道
士李道先建

玉宸觀

在都昌縣梁道
士羅原道建

聖祖觀

在都昌縣又名朝元
觀唐道士劉環谷建

集虛觀

在都昌縣舊名松平
宮唐道士程祐銘建

顯福觀

在都昌縣元辰山下蘇耽煉丹于此內有奉
母庭丹竈劍池明景泰間鄒紀熊希道重建

大果寺

舊在建昌縣東一里唐馬祖建因寺有梨樹結實如斗故名上有白鶴來巢歲久不去凡朔望

寺僧梵誦祝聖名曰鶴鳴壽山大果慈慶禪寺元燬明洪武初遷于西門外即寶巖院故基設僧會司

雲居寺

在建昌縣西山世傳太常博士顏雲捨宅為寺唐中和間賜額龍昌宋改賜真如仁宗賜飛白

書晏殊為之記久廢明萬厯間諸緣和尚建勅賜滲金佛像繡幢經函又賜御書十四字懸挂大殿崇禎

間釋顓愚開法晦山九屏復續之

瑤田寺

在建昌縣雲居南麓唐元和中僧道融建明天啓間僧復初重建

同安寺

在建昌縣鳳樓山唐中和中丕禪師建明洪武中僧佛燦重建本朝順治間布政余應魁捐

建

智顯寺

去建昌縣治四十里舊名長興唐縣令元道建宋李常記蘇軾過此訪李常兄弟有臥聽鄰寺

鐘句
已廢

龍泉寺

在建昌縣新城鄉唐僧明鑑建明景泰中重修

泗洲寺

在建昌縣釣臺鄉宋治平間僧宗道建明正統間僧道隆修復

龍溪寺

在建昌縣受安鄉宋熙寧二年僧存節建明萬厯間僧常錦重建

崇福寺

在建昌縣受安鄉宋淳熙中雁門陳禪師建明洪武初僧悟道修

布水寺

在建昌縣布水巖側宋慶元僧衍初建元廢明景泰中僧燕開重建

尊聖塔寺

在建昌縣北門外元大定間邑人燕覺道建明洪武初重修

豐安寺

在建昌縣治南四十里
明李夢陽王世樞有詩

華曇院

在建昌縣東四十里豐安鄉唐會
昌中僧常建明洪武間僧繼文修

崇真觀

在建昌縣治東一里永豐鄉舊
名元真晉興寧元年建元廢

茶嶺觀

去建昌縣治六十里舊名通真
晉道士鄧德潤建明洪武間修

七靖觀

在建昌縣南十里晉建相傳許旌陽法北斗作
七靖以鎮蛟螭舊在山間宋徙于此改名妙明

廢已

廣福觀

在建昌縣南四十里原名壽聖世傳許旌陽于
此卓劍斬蛇地上飛泉湧出成井時有赤鳥飛

廟更名赤鳥觀宋靖康中道士余道
泰修明正統間道士陳碧雲重修

隆道觀

舊在建昌縣東門唐大中建為女冠所居名玉真觀後改今名宋嘉熙間道士王太和修元燬

道士胡添常遷日中橋東明初改為叢林正統十三年道士范希仙建通明殿本朝康熙十年知縣李

道泰
重建

大唐寺

舊名惠因院在安義縣北唐大厯初馬祖建元廢明洪武初僧繼承重建改今名本朝知縣

陳瑋
重修

南源寺

在安義縣南依仁鄉宋楊可逸可遵兄弟建已廢

龍文寺

在安義縣文明門外明崇禎間僧冰如建

資化院

在安義縣東二十四里控鶴鄉晉義熙中僧妙善建元廢址存

保請院

在安義縣東依仁鄉梁天監間僧道弘建
宋大中祥符初僧德惠重修元廢址存

定業院

在安義縣南南昌鄉梁天監中僧起羣
建元廢本朝康熙庚申僧談石重建

保壽院

在安義縣北卜鄰鄉隋仁壽間僧本
初建唐景福初里人余忠修已廢

開陽院

在安義縣東依仁鄉唐大厯五年馬祖
建元廢明天順元年住山廣徹重建

鳳凰菴

在安義縣東五里明嘉靖間建天啟崇
禎間相繼修里人徐大相陳其誠有記

廣長菴

在安義縣北十五里背山面溪取溪聲
便是廣長舌之句本朝僧慈覺建

太平觀

在安義縣東依仁鄉梁大通三年道士周月潭
建唐貞觀三年修明永樂庚寅重建正統景泰

間修
後廢

逍遙觀

在安義縣東南控鶴鄉晉許旌陽遊息之地宋元祐元年道士徐自澄建

崇真觀

在安義縣南安義鄉一名延真晉許旌陽遊息之地宋紹興二年道士黃泰逸建明正德十五

年移縣治西本朝康熙十一年知縣陳璠重修

接仙觀

在安義縣東依仁鄉元至元四年道士廖道成建祀梅福本朝順治間重修

老君觀

在安義縣東南控鶴鄉漢梅福煉丹之所山頂有石室元至元十六年道士李春智建本朝

康熙三年知縣魏濟衆重修

九江府

龍池寺

舊名龍泉精舍在府城甘棠湖北晉慧遠開創宋紹興重建元至辰燬明洪武十一年興復改

今名後寺基為僧典賣僅存佛殿本朝順治十八年燬于火知府陳謙清復之里民盧士明等募修

東林寺

在德化縣廬山之麓晉太元九年慧遠開創謝靈運為鑿池種蓮號蓮社宋改為禪寺紹興間

燬明洪武六年重修萬厯間有僧大柳與徒寂融興造神運殿浮堂禪房本朝順治十三年僧照忍

采善募修五如來殿推官席教事捐建康熙五年僧宗微等募修遠公影堂兵道蔡協吉捐建有碑記

西林寺

在德化縣廬山之麓晉太元間僧慧永建隋開皇間修唐宋尤盛元壬辰兵燬明洪武十四年

復建崇禎間建塔本朝順治十一年僧古巖開法西林遂為禪寺

大林寺

在德化縣廬山之西晉創元末燬明宣德間重建寺前有寶樹二株曲幹垂枝圓旋如蓋

今已無存

中大林寺

在廬山錦澗橋北晉慧遠創明洪武十五年重建弘治間僧明品修又有下大林寺唐太

和間建明宣
德成化間修

上崇福寺

在廬山講經臺下晉慧遠開創明弘治間僧性端修

上化成寺

在講經臺下晉慧遠創又有中化成寺在香爐峯右隋開皇間建

下化成寺

在香爐峯下晉建元末兵燬明成化間重建

龍泉寺

德化縣有二一在仁貴鄉山麓晉慧遠建元燬明洪武初僧祖觀重建有方竹傳是遠公手植

一在赤松丁家山明
萬厯間僧月空建

清泉寺

在德化縣仁貴鄉山麓有清泉因名晉慧遠開創元燬于兵本朝順治四年僧願惟重建

多佛寺

在德化縣仙居鄉晉慧持建宋王梅溪有詩存壁間明正統復興

圓覺寺

在德化仙居鄉晉慧遠建宋學士李遂祖重建明洪武八年重興

圓明寺

在德化縣南昌鄉晉建元末兵燬明洪武初復興

勝果寺

在德化縣南昌鄉晉太元創建本朝順治初百大崇禪師披染于此塔寺荒廢為之興復

高良寺

在德化縣白鶴鄉晉慧持建明洪武間復建

江磯寺

在府治北崇德鋪晉建元末燬後復建

能仁寺

在府治東肇自梁武舊名承天院宋仁宗時白雲端禪師大開法席元祐間有鐵佛乘石船于

江上托夢寺僧相迎元末兵燬明洪武十二年重建弘治改今名崇禎七年巡道王思任修後僧古巖再

修

佛母寺

在江北去府治三十里唐貞觀間開創元熈明洪武五年僧繼淳重建有古木枝蔭一畝

天池寺

在德化縣廬山之巔上有一池四時不竭宋嘉定間創建元末燬明洪武六年重建太祖有御

製周顥
仙碑記

馬祖寺

在德化縣仁貴鄉仁壽寺之上唐道一禪師開創內有石洞小靜室

圓通寺

在德化縣廬山石耳峯下南唐李後主建元熈明洪武四年重建寺有香火田本朝順

治九年巡撫蔡士英立僧戶尋廢康熙十一年布政劉健賑荒至令僧自納免其里役

舍利寺

在府治西北宋建炎二年太一禪師開創元壬辰燬明洪武二年興復成化四年僧宗秀復建

廊舍邑人周慶有記萬厯間遷于南薰門兵燹本朝順治四年僧脫塵重建

黃龍寺

在德化縣廬山之中明初僧了堂重建以黃龍潭得名萬厯間肅皇太后賜藏經四十一函并

舊刻藏經六百三十
七函彌布本寺珍藏

臥雲寺

在德化縣烏龍潭下元僧東巖復創

海天寺

在德化縣龍開河峴明正德間副使馮顯因其地低窪築堤建寺嘉靖中戶部主事鄒輒建樓

于後扁曰山水之間邑人柳邦傑有記後毀

金竹坪寺

在德化縣黃龍山南一名千佛寺明萬厯七年創建僧續芳增葺

仰天坪寺

在德化縣極廬山之巔明萬厯間建僧慈度重興

白泉寺

在德化縣大孤塘有白泉井因名舊圯僧柴立復建本朝順治間老僧妙光日誦法華經積

薪自焚衆驚為神異建塔於此

林隱菴

在德化縣廬山麓晉建

太乙觀

又名祥符觀在德化縣雙劍峰下晉董奉種杏于此有石鰐禹國二字

嘉聖觀

在府西宋慶元間楊真人以符水救疫寧宗御書洞庭順利之祠嘉定間又書壽聖觀三大字

賜之明萬厯辛亥鈔關楊鍾瑩建通天樓

太平宮

在府城南三十里唐開元建額曰九天採訪祠南唐改通元府宋宣和改太平興國宮元兵燬

明洪武二年道士江梅高興復

萬壽宮

在府治南明洪武間創永樂後遷于宮之北為道紀司

萬安寺

在德安縣西梓坊坂唐太和元年建宋治平二年改名萬安院元燬明永樂間僧宗通重建

悟真寺

在德安縣西梅家壠唐大中元年僧智威建宋紹興間僧海會修元壬辰兵燬明弘治間重建

寶積寺

在德安縣西北白雲山唐大中元年僧慧芳建元燬明正統間重建

安福寺

在德安縣西北永泰源唐大中二年僧秀溪建初名安吉院宋治平改今名元燬明永樂初重

建

法安寺

在德安縣北吳山南唐大中二年僧卯齊建宋祥符改今額元燬明天順間重建崇禎末僧性

真更
新之

永清寺

在德安縣西石潭村唐大中八年僧法持建元熒明正統間僧道俊重建

芙蓉寺

在德安縣西北柵嶺唐咸通二年僧道明建初名芙蓉院宋治平三年改慈法院元熒明正統

間重建

無垢寺

在德安縣北高塘坂唐咸通三年僧良遂建宋治平二年改無垢院元熒明成化嘉靖間增修

普勲寺

在德安縣西湓塘唐天祐間僧普願建初名湓溪院宋治平二年改普勲院元熒明洪武間僧

性澄重建本朝順治十七年僧德浩新之

羅漢寺

在德安縣南羅漢橋西吳順義元年僧志本建宋祥符改淨土院又名歸宗羅漢院元熒明成

化間重建

欽定四庫全書

江西通志
卷一百十三

寺三

甘露寺

在德安縣南甘露山吳順義七年建元燬明天順間僧正大重建

精進寺

在德安縣北白雲山下吳順義七年僧了蘊建宋元祐間僧神輝修元燬明正統間僧宗清重

建

積慶寺

在德安縣西望夫山南唐保大二年僧會通建元燬明洪武間僧智緣重建

廣修寺

在德安縣北黃坑南唐保大二年僧神贊建宋元祐間僧定保修元廢後戒僧性定重建

開花寺

在德安縣西四十里南唐保大十三年僧則川建宋祥符間名宗興院又改開花院明永樂間

建重

布金寺

在德安縣西北桑園宋建隆二年僧善覺建初名寶花院治平三年改為布金院明永樂初僧

性寧
重建

陽居寺

在德安縣南博陽山相傳何氏兄弟九人修煉于山巔同曰飛昇有道童隨之從空墮落至今

有墮郎峯神極靈驗有禱輒應
元壬辰兵燬明成化間重建

朝天寺

在德安縣道顏山明初僧瑞菴建
本朝順治九年僧了悟重修

天興寺

在德安縣北六十里明洪武間建
本朝順治間僧成滿重修

洞霄觀

在德安縣北四十里劉宋元徽元年道士劉休範建元壬辰兵燬明正統間僧持淨重建因改

名為
寺

靈真觀

在德安縣治西義豐山下吳順義七年道士李元徽建元燬明正德間南昌衛軍士王必政重

建

玉清觀

在德安縣玉清山之巔宋慶厯間道士郝仁仲建元燬明正統間道士龔志宏重建

利澤寺

在瑞昌縣銅岡嶺晉太元間建

普濟寺

在瑞昌縣巢湖東晉時創元末兵燬明洪武間僧碧弘重建弘治間修

筋竹寺

在瑞昌縣東山晉時創元至正間重建明弘治間修

東山寺

在瑞昌縣治東一百五十步宋祥符間創明洪武六年重建正德萬厯間相繼修葺

烏竹寺

在瑞昌縣甘露鄉宋慶厯間建元末廢明萬厯間有人伐薪見羅漢像甚古乃重新焉

雙泉寺

在甘露鄉去縣西北二十里宋慶厯四年建明永樂十四年修

南禪寺

在瑞昌縣安泰鄉宋慶歷五年建有一小塔後燬明崇禎庚午潘學博修葺

四峰寺

在安泰鄉去縣西十里四峯如削插入雲霄宋元祐間建

淨明寺

在瑞昌縣洪山宋淳熙間建明永樂初興復

多福寺

在瑞昌縣下巢湖元末兵燬明洪武間重建

五乳寺

在瑞昌縣慈山清禪師開山本朝巡撫蔡士英重建

禪嶺寺

在瑞昌縣九都三眼禪師道場久廢本朝康熙初僧印文重建

磧禪寺

在瑞昌黃茅山寺依山麓棟壁窗榜皆美石為之舊名北禪寺雲居晦山有詩題壁重訂今名

金盆寺

在瑞昌縣踞秦山之巔喬松修竹間坐望匡廬長江

梵羅寺

去金盆寺五里玉茗子樹碧筠萬竿寺之西北下懸古洞號曰芒泉

玉清觀

在瑞昌縣西四十里南唐中建有徐鉉碑

昇龍觀

在瑞昌縣南半里許觀祀真武四楹雕龍為飾一日雙龍忽不見夜半殿角有聲如風雨驟至

翌日龍還如故有藻荇在鱗甲間故名明李燬本朝康熙初重建

石山觀

在瑞昌縣安泰鄉相傳為仙池女真修道處本朝康熙間知縣江皋遊其地愛之構亭其上

顏曰問石

廣福玉隆觀

在瑞昌縣西北之蘇山即蕪觥得道之處

蓮花寺

在湖口縣五柳鄉晉太元十二年慧遠禪師開創因地形似蓮花故名元至順四年僧萬善修

明洪武六年赤
脚僧復為修葺

上鐘山寺

在湖口縣南唐咸通元年僧雪峯開創名崇壽寺宋隆興中僧守端重建改今額元至正

二十三年明太祖駐師南湖嘴幸本寺御書濟巖二字并賦詩弘治中邑民夏清改建于巖北之原嘉靖萬厯相繼修葺本朝康熙間參將王之任等重葺

下鐘山寺

在湖口縣北唐龍紀元年開創名寶鐘院宋嘉祐中佛印修葺改今額元末燬明洪武二

十五年邑人鄧道宗重建嘉靖萬厯間相繼修葺仍名寶鐘本朝順治間兵燬巡撫蔡士英參將王之

任重
建

治平寺

在湖口縣黃芳潭界唐天復中僧道簡開創元末兵燬明永樂初僧師尊重建成化中僧智隱

修

三學堂寺

在湖口縣彭澤鄉晉陶潛為邑令時嘗與陸修靜周續之三人講論于此因名唐天祐間

僧長慶于故址建寺元末兵燬明洪武初邑民柳德昭重建弘治中僧慈容修

無相寺

在湖口縣去柘磯二里許唐沈十三建明正統成化中先後增修崇禎四年僧寂品重建

陪湖寺

在湖口縣東四里許南唐僧宗震建明成化元年僧海壽修

飛鳳寺

在湖口縣西山宋建隆二年開創嘉靖三十七年僧性期修改為永福寺

吉祥寺

在湖口縣南三十里宋治平創元至正間僧雪菴修明洪武成化間相繼修葺嘉靖間社民江

文漢
新之

莫標寺

在湖口縣酹山元至正中建後煨明成化三年僧從義重建正德中邑民張珍江伯連修萬厯

中邑紳張道創屋二重為士子肄業之所

寶駃寺

在湖口縣鞋山明萬厯八年僧德明重建天啓中守道米萬鍾改為駃峯寺

龍華寺

在湖口縣東北二里明天啓間建崇禎六年鄒逢吉修本朝康熙間參將王之任守備李咸

陽等捐建

海清寺

在湖口縣上鐘山側本李氏基後為寺明天啓間僧明天增修本朝康熙六年總督董衛國

捐建

長安寺

在湖口縣皂湖本朝順治間僧通明重建

欽定四庫全書

江西通志

三

壽寧宮

在湖口縣分水嶺今名壽寧巷
康熙九年僧圓拓同社氏重建

安禪寺

古名安禪院在彭澤縣新興鄉漢永
平間僧祖印創明洪武九年重建

定安寺

在彭澤縣治西定山下創于
晉燬于元明正統間重建

寶相寺

在彭澤縣建安
鄉唐貞觀間建

上廣福寺

古名壽山寺在彭澤縣五柳鄉唐永
淳元年僧雪溪建明洪武間重建

寶林寺

在彭澤縣新興鄉唐永淳
元年創明洪武間重建

集福寺

在彭澤縣太平鄉唐永
淳間建明洪武間興復

寶華寺

在彭澤縣五柳鄉唐時
創明天順己卯重建

鷲峰寺

在彭澤縣太平鄉舊名黃山院
宋淳化元年創明弘治間重建

普明寺

在彭澤縣西鳳凰山下宋
紹興間建明洪武間重建

崇梵寺

在彭澤縣新興鄉宋隆
興間創明洪武間重建

修真觀

在彭澤縣五柳鄉梁天
同二年建元末兵燬

柏山觀

在彭澤縣新興
鄉明永樂間建

南安府

嘉祐禪寺

在大庾縣治東北隋開皇五年建唐景雲間
重修改名大雲寺宋大中祥符初復興庭植

雙桂四時開花有井泉味重而冽改名
清泉後改今名明正德間僧慶禪重建

普化寺

在大庾縣雙房里龍山唐咸通中建宋賜今額元延祐間增飾後易山名曰鎮龍以山左有潭

潭有龍也傍有獅象形前有端人峯諸勝

靈巖寺

在大庾縣雙秀峯南唐時建宋皇祐元延祐先後修葺

興教寺

在大庾縣玉池坊南唐保大中建宋政和間賜額為興教院

寶積寺

原在大庾縣濱江石龍之南俗名迴龍寺宋咸平中建

寶界寺

在城西北每歲官僚習儀于此宋皇祐初建福田院後稍增廓易今名宋劉安世江公望張九

成謫置南安皆寓寺中淳祐中知軍李大正創新堂顏曰景賢自為記鐘樓下東坡嘗畫竹于壁後有人

刻之以獻韓侂胄樓亦尋毀明東海張弼建鐵漢樓于西廊彭韶記炳書東樓名曰墨君閣自為記

壽昌寺

在大庾縣青龍岡北宋皇祐建尋改聖果寺又改慈聖寺後仍初名寺後有松數萬必禱于山

神乃
敢伐

報恩寺

在府城東宋崇寧中建

了山寺

在府城東北十五里果禪師苦行力參於博山恍然大徹後住此山

真覺寺

在大庾縣東山元泰定間建初為院明永樂間廓為寺先是宋劉黻以劾丁大全請置南安嘗

寓於寺明東海張弼構蒙川館自為記有振衣堂正氣樓五山亭花雨樓諸勝

法寂院

在府治東七十里宋天禧間建

常樂院

在大庾縣東常樂里宋景祐間建蘇軾北歸嘗總于此作經藏銘又戲寫竹石于壁

法華院

在府治北一里俗呼金蓮堂宋咸淳間建為院知軍趙孟邁書額後增廊為寺

吉祥院

在府城東二里嘉祐寺右

玉峯院

在大庾縣西上峒有五山蜿蜒而來中有圓阜俗名五龍珠後有峰最高為照山名玉峯

玉泉菴

在大庾縣東北玉泉山相傳晉蘇耽嘗寓此夏極涼無蚊蚋冬亦不寒溪流環繞最為幽勝

元妙觀

在府城西南宋端拱二年建祥符間改今名明初置道紀每歲官僚於此習儀雨暘非時則為

壇而禱

玉虛觀

在大庾縣常樂里舊名常清宋皇祐間建

無量宮

在大庾縣雙秀里舊名無為宋嘉祐間建

傳法寺

在南康縣東門外唐貞元間建名六祖院宋蘇軾易令名本朝康熙六年僧嘉祥重建

萬安寺

在南康縣南附郭即南臺山唐建久廢相傳宋邑人蔡大山學禪於此法名圓慧其遺身至今

尚存寺僧祀之
順治間僧寶元重建本朝

大中祥符寺

在南康縣治東北宋建邑人鍾福肄業于此手植小松一夕夢朱衣元冠者告曰松

圍三尺子當策名既而累舉不第垂三十年登科南歸視松果如所夢

祖印禪寺

在南康縣西青泥鋪本朝順治十六年僧行中建推官劉魯檣知縣陳暉俱有記

淨慧院

在南康縣傳法寺右唐貞觀中建

顯聖院

在南康縣治西南南唐保大中建宋建中靖國辛巳學士蘇軾北歸艤舟訪僧有詩

慧日山菴

在南康縣治東城內向無寺院順治十一年僧傳魁始建

洞真觀

在南康縣治北劉宋元嘉中建

永興觀

在南康縣東門外北劉宋泰始間建

棲真觀

在南康縣崇信里唐建久廢宋慶元間重建

仙臺觀

在南康縣西門外宋大觀中建建炎中有鄧道士遇一羽流僦居未幾病亟顧鄧曰死葬我三

日可發視之鄧如其言塚內惟存雙白石觀有井二像呂字相傳有丹遺井中

清真觀

在南康縣北宋慶元中建

真常觀

在南康縣治北明洪武初建

廣教寺

在上猶縣烏頭村唐建舊名天龍寺宋靖康初李綱為江西制置使經此有詩明嘉靖間易今

名

智林寺

在上猶縣西石門村唐天寶六載建明嘉靖己酉興復本朝康熙初重修

極樂寺

在上猶縣北小路村又名梅峯寺唐建

安清寺

在上猶縣東北白石坑舊名東山唐建

寶乘寺

在上猶縣治東資壽山下楊吳時建勅賜寺額原在猶水上後遷今所址元至元延祐間重建

明永樂嘉靖間增修制頗宏邃

龍歸寺

在上猶縣西北又名驚峯宋建明守張弼易名來龍寺

東山寺

在上猶縣治東巽山登山遠望頗盡一邑之勝
明嘉靖間知縣谷同修後祀本朝署縣令沈

振豪
興復

聖濟院

在上猶縣東南中有排雲亭棟宇壯麗中諸蘭若

太平菴

在上猶縣西南稍尖峰下明永樂間邑人尹志萬建

萬年觀

在上猶縣西南一里唐末建勅賜觀額即築道人王守鐘修真地

延真觀

在上猶縣治北十五里已祀

景陵觀

在上猶縣西南景陵山有道士李大輔者祈禱輒應因立景陵觀

護教寺

在崇義縣烏頭村舊名天龍唐建

金仙寺

在崇義縣義湖里宋建

雲峯寺

在崇義縣沙溪洞宋悅禪師開基明雲峯和尚重建本朝康熙辛酉岐山僧復建離舊址半里

王恩
軼記

水口寺

在城北里許邑人陳香施地城中居民鵬工成之本朝康熙三十二年重建

祝聖寺

在崇義縣忠義里沙溪僧洞明建

甘露寺

在崇義縣十八山下明萬厯間長龍里民王世錫始建茶菴本朝康熙八年知縣甘爾翼

重建教諭張
世緯題額

天臺山宮

在崇義縣南三十里舊名李仙公菴宋皇祐建明永樂間知府何敦善早禱有應更新之

贛州府

光孝寺

在府城東廉泉右創于晉後廢唐高宗時指揮使丘崇弟誠復建寺內掘地得水極清且甘俗

呼為出水寺已圯寺僧成廣募葺易以石柱

空山寺

在贛縣仁空山相傳晉崆峒僧阡駐錫其地明崇禎丙子桐城僧瑞白建寺知府劉震匾曰空

山精舍

景德寺

在府城內東南隅劉宋時建舊名安天唐貞元三年重建明成化戊子改為府學嘉靖壬戌仍

遷府學于紫極觀始復其舊今俗稱大佛寺

壽量寺

在府城東梁防禦使盧光稠為僧道誠建始名盧興延壽尋改經壽宋祥符中賜今額元末燬

明洪武中僧榮安
重建解學士緡記

天竺寺

今在貢水東唐元和初僧韜光自錢塘天竺來
駐錫白樂天寄以詩宋慶厯間蘇老泉曾遊見

墨跡後四十七年東坡來時已
亡第存石刻因感慨有詩序

寶華寺

在府西北一百二十餘里與興國接壤唐智藏
禪師示寂地也智藏得法於道一先結茅于此

有大寶光塔碑元和中刺史使唐技為智藏撰建立大寶
光塔碑權德輿書丹明崇禎末年林撫一柱建梵宇
以居通忍方丈戒
壇經閣製並弘整

妙高寺

在贛縣鹿山五代時吳生
佛慧應禪師嘗寓於此

寶雲寺

在贛縣貢水東宋
學士廖剛有詩

化城寺

在贛縣四會鄉創自宋明末
燬僧一葺香林相繼建葺

合龍山寺

在贛縣北百里宋仁宗時里中
僧小道以宮中所賜珍物勸建

萬法寺

在贛縣堯溪宋淳熙九
年建邑進士鍾必勝記

東勝山寺

在府城東門內右隅明萬歷
間僧明海建分巡道伍讓記

馬祖巖寺

在贛縣佛日峯明萬歷初僧悟
學與其徒本慧建里人謝詔記

契真寺

在贛縣長興鄉田村有羅漢經十八卷藏閣上
後經被竊去復歸經上有水火痕里人供之以

禦災旱明南昌朱
多姪作瑞經記

華嚴院

在贛縣宋岳
武穆有詩

法龍山菴

在贛縣四會鄉宋建元熈明嘉靖二年僧寶堂重建

真諦菴

在贛縣興賢門右僧虎國建咸符升記

上壇觀

在府城東建春門壇前街晉永和中建明正德嘉靖間道士張存道重修

玉虛觀

在贛縣貢水東唐開元中建世傳真人劉繼先沒井五煉丹於此今尚存二一為本觀井一為

靈泉井在江東廟前其水清冽可以療疾觀內有丹臺古蹟宋治平中賜今額明永樂庚寅解大紳書碑

紀其事

景德觀

在府城北通岡即今景鳳山真武廟南唐時建學士徐錯記徐鉉篆額元道士田純靜修煉於

此

紫霄觀

在贛縣宋政和中建明正德丁丑重修嘉靖中道士鍾曉初等建殿閣

至德觀

在贛縣文潭嶺宋里人丘真仙創觀修煉明嘉靖乙未里人譚顯達修內有龍巖歲旱可禱

光孝觀

在府城東摧桂坊號古虔山

萬壽宮

在府城隍廟右本唐紫極宮宋改為元妙觀明劉真人淵然初修道于此後改為萬壽宮

明覺寺

在雩都縣西門外即福田寺舊在大昌村梁天監中建唐開元遷今所宋大中祥符賜名妙淨

吳生佛真身在焉明末祀本朝順治辛丑知縣李祐之重修

智門寺

在雩都縣東城外唐大中建明嘉靖中改稱慧明山本朝康熙丙子僧道任重建

惠明塔

在雩都縣西一里唐廣明二年建至和間邑人曾絲等建塔七級甚壯麗明洪武丙辰院

廢塔存隆慶間以雷雨復墮一碑洗滌如新
本朝康熙丙寅知縣岳蔥重葺

雪芳菴

在雲會之交明正德間建初名麻布菴萬歷間僧如德修邑人李深改今名有記

紫陽觀

在雲都縣東城外百步隋建舊名清華道院唐景雲間改今名明正德間遷儒學于此嘉靖間

復遷學入城內觀仍故址本朝康熙乙卯虔鎮劉進寶重修

太霄觀

在雲都縣即斗巖唐貞觀中建

青真觀

在雲都縣青唐里宋李山為岳武穆裨將從征固石至觀戲發一矢貫殿角螭吻迄元猶存蓋

鐵箭也

寶塔寺

初名延福在信豐縣治北孝義坊中為大雄殿殿後石塔高九層或云塔無影影見則有災磳

石間有字可識曰楊貫
重修又有赤烏年號

穀山寺

在信豐縣西三十里半山中開一阿曲唐建
寺殿宇崇闕僧徒衆多釋曰御詔有穀山志

香山寺

在信豐縣南八十里建自唐以前寺在山顶之
曲山高二十餘里暑月僧或衣綿飛霧時罩殿

宇上有祖師閣望邑治
如斗明羅洪先有記

金文寺

即南山寺在信豐縣南二里宋太平興國七年
邑人劉仁舉建紹聖四年呂汲公寓此卒其石

有呂
公墓

長壽寺

在信豐縣水北坊
宋治平二年建

東禪寺

在信豐縣水東坊
宋元豐二年建

光相寺

在信豐縣藍田里新龍山宋普濟大德禪師學佛之所

方廣院

在信豐縣順治初邑人黃崇石建僧日御駐錫於此

白雲菴

在信豐縣南百二十里林壑幽邃神僧元貝所居真身至今在寺

奉真觀

即南山觀在信豐縣南一里唐大中元年建於青圓後遷九日岡宋開寶間邑令李禪遷今所

大乘寺

在興國縣東門直縣廨後唐武德二年建初名萬年元至正賜今額舊有飛來殿石佛銅鐘古

蹟

妙明寺

在興國縣文溪唐貞觀四年建明洪武重修寺立土圍前臨湫水僧佛興建石橋名曰文興張

尚琰記

圓覺寺

在興國縣塘石村唐貞觀時建宋改名感化黃令惟桂復舊名庭中有古檜二株

延壽寺

在興國縣新村唐太和二年建明洪武間重修寺內有巨鐘景泰庚午造

普惠寺

在興國縣西南里許唐中和二年建舊名西禪元末燬明洪武辛未修改今名

三壇寺

在興國縣西門外南唐時建號西山寶勝永泰院宋治平中改今額元僧用和再修縣尹陳文

彬董成之祭酒劉崧記明洪武萬厯先後修復本朝初前殿燬康熙丙子重建

靈山寺

在興國縣清德鄉即名勝志所謂南康王山之龍華寺也明永樂初重建知縣唐子儀記云宋

時鐵船僧面壁于此其前為山門起鐘鼓二峯中為大雄殿殿角左倚峭壁千仞曰飛來觀音巖右為僧

舍

大烏山寺

在興國縣因山得名

朝陽菴

在興國縣下黃嶺高數里崇阪層岡皆茶漆杉竹其上曰上黃嶺菴曰白蓮

治平觀

在興國縣西門外晉建亮山堂外紀云葛洪過興國鑿池洗藥俗傳即此地舊有吹簫臺已廢

前有井號葛洪井今觀內不奉稚川而祀康將軍

長春道院

在興國縣城南金雞冠嶺元末縣尹陳文彬修葺居蒲衣道人於此殿入雲際有幻窟室

葛藤窩清碧亭祭酒劉崧記已廢

六祖寺

在會昌縣北三里背枕明山而臨湘水舊名梵行院唐開元間僧應珠建宋淳熙中僧空谷修

政今名明洪武壬子成化辛丑相繼修葺上為觀閣左有六祖堂大觀亭今廢僅存大殿及僧寮數椽

仰山寺

在會昌縣南七里唐開元間建明弘治八年修

南禪寺

在會昌縣南鎮湘門內宋宣和中建明成化乙巳僧洪福修後燬本朝順治巳丑僧達慈即

故址建

小菴

蕭巖寺

在會昌縣蕭帝嶺見宋曾丰記明永樂間重建

方廣寺

在會昌縣雁門保明洪武間建宣德間僧寶殊修

大明寺

在會昌縣大明巖明嘉靖間創旁有水簾

竹林寺

在會昌縣南五里與護生菴並峙明天啓丙寅建本朝康熙壬寅僧真慧修竹木交布頗稱

勝幽

智勝禪院

在會昌縣即漢仙巖寺明隆慶四年僧明圓創建唐伯凡周元暉並有記

慈忍禪院

在會昌縣承鄉即笑山舊院久圯本朝順治辛卯賴人姚應章重建復構藏經閣鑄銅

佛

天真觀

在會昌縣南駝峯元初廢明洪武間建復燬于寇永樂戊戌守禦所李茂重建正統辛酉道會

司劉雪文修本朝初燬康熙辛卯道士胡文佩等增建

高明仙院

在會昌縣三十里曾坊岷明永樂中建

大興寺

在安遠縣西一里古田坊舊名無為寺唐長慶四年建元大德二年修後燬明洪武九年重建

嘉靖四十五年知縣李多祚建後殿改今名本朝康熙二十年僧普福改建觀音殿寺後有塔九層高

十五丈

宋建

妙相寺

在安遠縣板石保唐長慶四年建元大德四年修至正間燬明永樂重建成化修本朝康熙

八年
重建

海印寺

在安遠縣上瀛坊宋祥符九年建明天順弘治間先後修

慈光寺

在安遠縣龍泉保宋治平初建元末燬明宣德間重建成化十八年僧萬金改建

祖印寺

在安遠縣太平保宋崇寧二年建元大德二年修後燬明永樂間重建

淨業寺

在安遠縣里仁保宋崇寧二年建元元貞元年燬明天順二年重建

方廣寺

在安遠縣龍頭保宋紹興四年建元大德二年修至正間兵燬明弘治五年重建

廣法寺

在安遠縣龍安堡宋紹興十一年建元至順二年修至正兵燹明天順六年重建

東林寺

在安遠縣太平堡宋乾道四年建元皇慶元年修後燹明正統初重建弘治元年修本朝康

熙庚寅邑人
魏從賢重建

文林禪院

在安遠縣西門外永安坊明崇禎間邑人唐邦教建

西來菴

在安遠縣修田坊明崇禎間邑人杜欽聯建山東進士于霽霖有記

靈寶觀

在安遠縣濂江坊宋淳熙十四年邑令王澹建

崇貞觀

在安遠縣城隍廟後明景泰間建名崇貞祠後改名觀

崇福寺

在寧都縣南狀元坊晉永和中建名寶林劉宋改名安國宋大中祥符賜令名寺有八院有佛

塔藏經閣今
寺燬間存

青蓮寺

在寧都縣西蓮花山晉青蓮禪師建歷千餘年
棟礎尚存寺多奇蹟如甘露松釵股鐘四郊盡

晦三峯無雲赤日如焚雲出
則雨 本朝康熙丙午重修

永寧寺

在寧都縣文明門外第一橋左明萬厯壬
辰建寺後建塔一座高九級邑人劉賢記

東昇山寺

在寧都縣東石塘里明
萬厯間里人葉古廷建

普滿寺

在寧都縣北平田村前有二石如龜及浮洲環
帶溪上後枕鐘鼓山松竹叢厯近廢為民居

歸仁禪院

在寧都縣歸仁里松濤徽雲中隱佛閣
閣前清池白石魚游邑人魏兆鳳記

太元觀

在寧都縣東門外唐貞
觀中創明洪武初重建

集仙觀

在寧都縣北門外唐貞觀間建明洪武末重建

寶居觀

在寧都縣阜民門外唐大中間建明洪熙宣德間先後重修

勝因寺

在瑞金縣西一里唐開元初建祝聖道場於此因改名勝恩寺明萬曆七年重修

東山寺

在瑞金縣北一里舊名淨衆寺祀定光佛唐天祐中建明萬曆甲寅知縣潘舜歷改河水歸巽

方寺
燬僧海玉重建

南塔寺

在瑞金縣南一里舊名南山智覺院宋建元大德五年僧晴空建佛塔七層因名庚子燬于兵

塔僅存

龍珠寺

在瑞金縣西北五里明萬曆壬寅建於龍珠塔後岡巒逶迤千松挺立一水環繞中有堵公井

放生池塔條縣令瑞
奎臨建賴人謝詔記

文興寺

在瑞金縣東南五里明萬曆丁巳知縣潘舜歷倡建以護巽塔

羅源菴

去瑞金縣治十五里本為古刹僧仰山住此習靜改名仰山有龍虎二井塞其一巔上有祖師

石龕
已廢

東禪菴

在瑞金縣北四十里邦坑邑人楊兆鳳記

東明觀

在瑞金縣治溪南宋蘇軾有詩

國清寺

在龍南縣上蒙保唐天祐元年建舊名院明洪武間重修改寺

東山寺

在龍南縣東門內舊名梵安院南唐昇元中建元至正丙戌明洪武己酉增修萬曆丁丑知縣

王繼孝葺為
祝釐之所

塔下寺

在龍南縣治南五里南唐保大中建寺廢塔存
明天順弘治間知縣謝澤主簿梁悅相繼重修

建觀音閣

演教寺

在龍南縣治東南五里宋治平二年
賜額演教院明洪武甲寅重修改寺

西山寺

在龍南縣治上西門外宋紹興間建元末燬明
正統七年興復萬曆丙寅又火僧丹溪募建三

殿崇禎十五年
建殿後準提閣

明德觀

去龍南縣治三十里為魏真人修煉之所舊名
程龍觀唐咸通庚辰建宋咸平元年真宗賜御

書一百二十卷紹興間燬淳
祐壬寅重建元至正兵燬

龍虎觀

在龍南縣西南二十五里舊名銀缸廟元天曆已巳大旱道人鍾玉泉往程龍觀迎龍虎真人

祀于中庭遂大雨因改今名

永福寺

在石城縣西門外一里宋大中祥符乙卯僧月峯建元廢明洪武已酉僧傳結菴永樂成化間

增修

海藏寺

在石城縣西十里宋元豐間建本朝康熙間知縣靳闇然重建

金口寺

在石城縣西龍門書院後明萬厯間僧海鳳建本朝順治已丑火丙申知縣郭堯京重建改

名華峯寺

蓮花寺

在石城縣北十里明萬厯戊申僧海鳳建寺居叢山形如蓮花故名

寶福院

在石城縣東南隔溪寶福塔之下宋大中祥符建大觀四年僧應可修元燬明洪武三年僧明

海重建

內宮禪院

舊在石城縣西三十里宋大中祥符乙卯僧派清建建炎戊申遷北門外小溪右邑人巫

雙瑞登淳祐進士尚理宗公主世亂賜歸籍嘗奉佛于此因以名院元庚子燬明洪武戊申僧明海重建永樂景泰相繼修

法林院

在石城縣長樂村元至大間僧濟建明洪武已未僧常清修景泰癸酉增建圓通閣廣昌何文

淵記

太極觀

在石城縣東北三里宋大中祥符間道士徐繼先王齊祥顯迹于此元末燬明洪武辛酉道士

饒道元重建正統成化間道士廖宏泰陳春常
修萬厯間知縣江統之重修今為祝釐之所

三寶觀

原在石城縣城內西北隅唐天寶間建元末燬
徙白土鄉改為白土觀明正統間知縣鍾寶倡

修并建真武閣萬厯間邑人
陳師仲等復修改為白玉觀

東禪寺

在定南縣東城外舊名德化明隆慶辛未知縣
陳時範建為祝聖道場萬厯辛巳知縣劉世懋

修改
今名

神仙菴

在定南縣神仙嶺元廢明萬厯間知縣劉世懋
復建本朝順治戊子燬于兵知縣祝天壽林

誦孕相
繼重修

瑞雲菴

在定南縣東一里即塔山舊關聖廟明萬厯
甲申知縣章瑩施鐘于塔僧真元募建已廢

西華觀

在定南縣西華山麓明萬厯甲申知縣章瑩建

化城寺

在長寧縣黃鄉保元時建

迴龍寺

在長寧縣絃歌門外康熙乙亥知縣朱騰交重建改為福寧禪院

密煙寺

在長寧縣東四十里鄴鄔保

金蓮菴

在長寧縣東廟僧元壽建

九雲菴

在長寧縣東三十里九碓嶺

石清宮

在長寧縣滋溪

江西通志卷一百十三

欽定四庫全書

江西通志卷一百十四

藝文

詔勅

表牋

夫子言禮文獻是徵明哲名言傳世足憑凡地之事
今古相承或建或置或廢或興不有紀之後何以稱
忠孝節義勲德才能言以人重人以言稱名勝題咏
亦在所登以考以稽有刪有增惟取實紀匪以博矜
作藝文志

宋

賜答張商英上仰山瑞禾表手詔 宋神宗

張商英省所上表袁州仰山太平興國禪院園中產穀
一本兩莖七穗事具悉博原效祥嘉禾育秀和氣所感
玄貺昭彰匪耘匪耔以挺生如坻如京之將見卿為時
柱石秉國鈞衡召此至和實惟燮理忽披竿牘曲盡形
容實野充箱行慶豐年之兆歸美報上不忘忠蓋之誠
省覽已還益深嘉歎

明

免江西稅糧詔

明太宗

朕本農夫深知民間疾苦及至親率六師南征北伐備知將士之勞方今天下一統朕以中國精銳駐守遐荒豈但風俗之殊亦有寒暑之異艱難萬狀朕不忍言然欲鎮安吾民必資守邊之力其於科徵轉運未免勞民理勢相須蓋不得已也念爾江西之民未歸附時土豪割據地方狼驅蠶食貲財一空歸附之後供給繁重已

經九年其為困苦朕甚憫焉今年秋糧盡行優免於戲
四海蒼生皆吾赤子愛念之意旦暮不忘緣事有緩急
故恩有後先咨爾人民體朕至懷故茲詔示想宜知悉

賜少傅楊士奇貞一印勅

明仁宗

往者國家肇建兩京政務方殷朕膺監國之命卿以翰
林親臣兼職春坊留侍左右贊助庶務敷答章奏籌畫
之際適中為難朕恒以為慮尚賴卿一二臣僚同心合
德徇國忘身屢歷艱虞曾不易志及朕嗣位以來嘉謨

嘉猷入告於內期予於治以惠黎元正固無貳簡在朕
心茲以已意創製楊貞一印一枚賜卿用藏於家傳之後
世惟卿子孫由是知卿克致顯榮不易惟艱思保守之
惟朕子孫亦由是知卿弼朕之功以保全爾子孫與國
咸休永世無斁詩曰無言不酬無德不報又曰靡不有
初鮮克有終尚克交修以成明良之譽故勅洪熙元年
四月十五日

徵處士吳與弼勅

明英宗

皇帝勅諭江西撫州府崇仁縣處士吳與弼朕奉祖宗
丕緒求賢圖治亦有年矣亦惟勞於求賢然後成無為
之治樂於忘勢乃能致難進之賢聞爾與弼潛心經史
博洽古今蘊經國之遠猷抱致君之宏畧顧乃嘉遜邱
園不求聞達朕眷懷高誼思訪嘉言望爾來儀以咨啓
沃夫古之君子隱居以求其志行義以達其道而獨善
自安豈其本心諒爾於行藏之宜處之審矣今特遣行
人曹隆詣爾所居徵爾赴闕仍賜禮幣以表至懷爾其

惠然就道以副朕翹望之意故諭

褒崇羅倫勅

明孝宗

士之立身行道必取法於聖賢國之勵俗作人必首崇
乎忠孝眷我先朝遺彥未沾沒世休光風化是關褒崇
可後爾翰林院修撰羅倫志慕孤忠心潛正學狀元及
第曾無溫飽之圖法從登庸蚤著剛方之譽凜危言之
劇上事切綱常寧守道以忤時分甘貶謫留署有賜環
之命達人以拂袖為高累抗封章竟歸舊隱急流勇退

振廉頑立懦之風苦節清修以授徒著經為業鄉邦化服士論推尊正氣浩然猶充塞乎天地英聲偉其實增重夫朝廷茲特贈為奉訓大夫左春坊左諭德謚文毅嗚呼心不慮於功名爾故遺榮於當世事有裨於名教朕將示勸於將來惟靈爽之如存庶恩綸之歆服

晉

辭位歸國表

陶侃

臣少長孤寒始願有限過蒙聖朝歷世之恩陛下睿鑒

寵靈彌泰有始必終自古而然臣年垂八十位極人臣
啓手啓足當復何恨但以陛下春秋尚富餘寇不誅山
陵未及所以憤懣兼懷不能已已臣雖不知命年時已
邁國恩殊特賜封長沙隕越之日當歸骨國土臣父母
舊葬今在潯陽緣存處亡無心分違已勒國臣修遷改
之事刻以來秋奉迎窀穸葬事訖乃告老下藩不圖所
患遂爾綿篤伏枕感結情不自勝臣前者猶謂犬馬之
齒尚可少延欲為陛下西平李雄北吞石李龍是以遣

母邱與於巴東授桓宣於襄陽良圖未遂於此長乖北方之任内外之要願陛下遴選臣代使必得良才奉宣王猷遵成臣志則臣死之日猶生之年陛下雖聖姿天縱英奇日新方事之殷當賴羣雋司徒導鑒識經遠光輔三世司空鑒簡素貞正内外惟允平西將軍亮雅量詳明器用周時即陛下之周召也獻替疇諮敷融政道地平天成四海幸賴謹遣左長史殷羨奉送所假節麾幢曲蓋侍中貂蟬太尉章荊江州刺史印傳檄戟仰戀

天恩悲酸感結

唐

賀洪州慶雲見表

許敬宗

臣某等言臣聞靈心不測叶至道以升聞上帝無聲候
休明而降祉同夫影響在感斯通相彼天心實交其際
伏惟皇帝陛下垂光御極體睿凝圖始自憂勤寧羣飛
於海外賜之仁壽拯塗地於寰中總絕代之英聲實興
為之美政三秦咸泰六府斯歌首冠往初功無取譬德

澤共二儀潛運清明與七曜齊光是以邇無不安遠無
不屆雕題鏤齒之類款郊甸以相趨羶裘板屋之朋入
提封而請吏上騰下漏天平地成嘉氣內充卿雲以之
舒彩盛德外發非煙由其散色竊見守洪州長史張惟
善等稱以六月二十六日於城內見慶雲自旦及申然
後方散謹按瑞應圖曰慶雲者太平之應孝經援神契
曰德至山陵則景雲出又曰天子孝則慶雲見金枝玉
葉若臨軒帝之營蕭索氣氤氲復入唐臣之詠自非工倖

造化道格上玄光含六幽恩流四海安能致茲神感式
彰靈貺玄黃間起朱紫相輝千載合符如斯之盛也雖
復駢枝合穎匹此為輕絳雪玄霜曾何足喻凡諸率土
預在肖形沐浴皇風用源鳧藻况以臣等謬忝衣簪旦
夕巖廊親聞錫瑞相呼抃躍實百常情不勝悅豫之至
為張洪州刺史謝上表

獨孤及

臣某言伏奉勅除臣使持節都督洪府諸軍事洪州刺
史充洪府等七州都防禦觀察等使臣才不如人位忽

過量仰戴天造兢然自失臣某誠惶誠恐頓首頓首臣
往歲安祿山以盜泉飲臣臣受左袵之辱而不能死陛
下以鴻私活臣臣荷乾坤之施而不能答徒竊寵榮三
典藩郡至如俗阜不擾人或小康此實堯風被物比屋
皆周臣敢貪天功以為己力不謂陛下獎勤是務以臣
為勤自春秋凡三錫命九州之伯臣忝其一况豫章
重鎮荆揚輿區五嶺控其南九江在其北軍師之統安
危是繫分憂之寄豈臣足當負荷恩光懼殞越於下今

以某月日到任所訖謹當靖恭守位夙夜在公宣皇猷
以導風俗仗天威以訓師旅庶以四境無虞百姓輯睦
為報力或不足則繼之以死臣之分也敢有二事臣無
任感戴喜懼之至謹奉表陳謝以聞

袁州刺史謝上表

韓愈

臣某言臣以去年正月上疏論佛骨事先朝恕臣愚直
不加大罪自刑部侍郎貶授潮州刺史伏遇其年七月
十三日恩赦至其年十月二十四日準例量移改授袁

州刺史以今月八日到任訖臣某誠懼誠喜頓首頓首
伏以州小地狹稅賦及時人安吏循閭里無事微臣惟
當布陛下維新之澤守國家承平之規勸以耕桑使無
怠惰而已臣以愚陋無堪累蒙朝廷獎用掌誥西掖司
刑南宮顯榮頻繁稱效寂蔑又蒙赦其罪累授以方州
德重恩宏身微命賤無階答謝惟積慚惶無任感恩慙
惕之至謹差軍事副將郝泰奉表陳謝以聞

賀慶雲表

臣某言臣所領州今月十六日申時有慶雲見於西北
至暮方散臣及舉州官吏百姓等無不見者五采五色
光華不可徧觀非煙非雲容狀詎能詳述抱日增麗浮
空不收既變化而無窮亦卷舒而莫定斯為上瑞實應
太平臣某誠懽誠喜頓首頓首謹按沈約宋書云慶雲
五色者太平之應又據孝經援神契曰王者德至山陵
則慶雲出故黃帝因之以紀事虞舜由之而作歌又按
季夏六月土王用事某日景戌亦主於土西北方者京

師所在土為國家之德祥見京師之位既徵於古又驗於今伏惟皇帝陛下德合覆載道光軒虞嗣位之初禎祥繼至昇平之符既兆仁壽之域以躋微臣往在先朝以論事得罪身居貶黜之地目覩殊常之慶抃躍欣幸實倍常情伏乞宣付史官以彰聖德所致瞻戀闕廷心魂飛馳無任欣抃踊躍之至謹奉表陳賀以聞

饒州刺史謝上表

李吉甫

臣某言今月五日中午使劉元晏奉宣聖旨擢授臣饒州

刺史兼賜官告仍至當州送上者臣與元晏某月二十
三日至州上訖臣伏以郡守分符朝有常典王人賜策
並於貴臣事出非常恩超往例拜舞之際悲歡失容臣
聞千年一聖生聖時者為遭逢萬朝一昌偶昌期者為
嘉會臣頃者每念生聖時逢聖運而職在遐外莫能自
通何嘗不顧影獨悲捫心屢泣晝望白日夜瞻北辰豈
謂分寸之績未施丹懇之誠若感激藿傾心益草木之
常分太陽迴燭及幽遠而不遺今陛下降不次之恩授

分憂之地拜章承旨皆自中人聖渥霑濡天威咫尺從此萬里不為孤臣臣又聞臣子之道犬馬代勞義不辭難分當竭命臣竊以飽食厚祿肌生澤膚猶願荷戈於逐北之疆免胄於捐軀之所至於理財均賦惠寡安貧勸農桑敦學校儒吏之常節驚駘顧何以堪當此殊勞少答元造高秩以忝鴻私未酬悽悽此誠沒齒無忘不任感涕屏營之至

進撰江西韋大夫遺愛碑文表

杜牧

臣某言奉某月日敕牒令撰故江西觀察使韋丹遺愛碑文臣官卑人微素無文學恩生望外事出非常承命震驚以榮為懼伏以洪為州府逾於千載言念疲羸常患水火風俗如此改革無因韋丹受朝廷分憂為百姓去弊不踐舊迹特建宏謀凡三年苦心去千歲大患兼之灌漑種蒔豐其衣食渤海潁川之理名父杜母之恩校之於丹未足為比伏惟皇帝陛下陟降順帝施設如神納諫若轉圜去惡如反掌是以兵刑措寢年穀豐登

而猶念切疲人及於循吏緬韋丹所効之績慰江西去思之心特與彰揚創為碑記是宜使內署學士西掖詞臣振發雄文流傳後代至於臣者最為鄙蕪明命忽臨牢讓無路俯仰慚懼神魂驚飛臣不敢深引古文廣徵樸學但首叙元和中興得人之盛次述韋丹在任為理之切事必直書詞無華飾所冀通衢一建百姓皆觀事彰明人人曉會但率誠樸不近文章受曲被之恩私如生羽翼報非次之拔擢宜裂肝腸無任感激懇悃血

誠之至其碑文本謹隨狀封進以聞

宋

知虔州到任謝上表

趙抃

臣某言伏奉敕差知虔州軍州事已於今月十三日到任訖亡狀立朝日虞公議之迫以言得郡恩出宸俞之優內省孤疎但深榮懼伏念臣愚不可進學無所長忝位朝閤濫巾憲府獨謂君恩之足報孰知身計之為謀二浙守麾撫俗庶幾於樂職兩川將漕竭誠幸免於瘵

官豈圖帝檢之來俄有諫垣之召念拾遺補闕之寄非
鉗口結舌之司若言行計從雖久次臣謂可也苟備員
承乏或驟遷臣實羞之懼失諍臣之風願為劇郡之請
俯從私欲仰荷朝僉且虔雖遠方而衢乃便道過家上
冢懇章得盡於哀榮跋山涉川之任敢辭於艱險而况
樞臣報罷物議有歸廣聖君從諫之名遂微臣納忠之
志實寒士逢時之盛獲諫官出守之榮自惟所得之已
多尚虞不稱之貽誚斯蓋伏遇皇帝陛下含容光大仁

聖聰明求治則所思在賢人好問未嘗深罪言者不棄
芻蕘之賤俾分符竹之權惟茲贛川控彼南粵負販常
為羣盜不下一千餘人疆畛最遠他邦動經八九百里
刑無虛日俗未嚮風臣敢不勤瘁公家謀惟夙夜頒宣
寬詔撫馭遠人勿煩南顧之憂少酬北闕之寄

袁州謝到任表

祖無擇

臣無擇言昨奉敕命差臣知袁州已於今月二十六日
到任交割管幹訖者受命以還視事伊始戴恩懷懼撫

已震驚伏念臣世系單微天姿謏薄偶緣尺寸之技誤
塵甲乙之科遂自下陳寢階近侍歲月滋久功效蔑聞
夙夜勤勞過咎深積果人言之是速在吏議以何逃流
竄累年飄泊散地俯臨晚節仰被洪私復叨守土之榮
實出逢辰之幸茲蓋伏遇皇帝陛下堯仁廣覆舜智無
為憫臣少被於搜揚察臣老流於荒裔遠從謫籍復置
列藩臣敢不捫心省過刻骨去非誓殫犬馬之疲勞免
擠溝壑之玷辱庶逃後悔尚蓋前愆

復袁州監酒謝上表

鄒浩

臣某言昨任右正言緣論事妄謬死有餘責蒙先皇帝
矜貸除名勒停送新州羈管至今年四月十七日准告
復官及移差遣臣已於今月某日到任訖投諸荒裔已
絕望於生還沐以深仁忽叨承於內徙冥心自揣感涕
橫流伏念臣昨在先朝誤蒙睿獎賜以清閒之對拔為
獻納之官聲光聳動於當時遭遇迴逾於前此永惟圖
報尤務竭誠豈知稟賦之愚遂至數陳之謬罪當萬死

難逃兩觀之誅恩錫再生僅比三危之竄敢意哀憐之
異亟還品秩之榮俄自流人越叅局事此蓋伏遇皇帝
陛下性隆孝悌德際乾坤知臣夙遇先皇不居人後察
臣洊更大赦特許自新從今膚髮之餘年盡出神聖之
再造臣敢不虔思訓敕痛艾愆尤遙望北辰雖莫陪於
星拱回瞻南嶺固已近於天中誓堅忠義之心上答生
成之賜

洪州謝到任表

曾鞏

伏奉敕命就差臣權知洪州軍州事充江南西路兵馬都鈐轄已於今月二十四日到任上訖撫臨便郡獲奉於親闈總制屬城實兼於故里伏念臣志雖擇善材不過人翫思詩書無出倫之異見遊心翰墨多涉俗之塵言竊食累朝備官儒館智非蚤悟曾不習於人情學匪兼通固難堪於世用茲緣私請得假善藩惟八換於歲期已四臨於外服幸遇非常之主未奉燕閒實當難得之時獨無稱效儻獲伸於肝膈冀少益於毫分伏惟皇

帝陛下恭儉愛人聰明好古卑漢唐之近事慕堯舜之遠圖臣敢不上體聖心勤修民政奉行寬大方盡瘁於茲時補助高深庶納忠於來日

分司南京到筠州謝表

蘓轍

臣轍言臣前得罪蒙恩落職知汝州六月十二日再被告降三官知袁州即治陸行趨陳留具舟赴任九月十日行江州彭澤縣界復被告降授試少府監分司南京筠州居住尋拜受前行於九月二十五日至筠州居住

訖者愚守一心漫無趨避歲更三黜始悟愆尤臣輒誠
惶誠恐頓首頓首伏念臣家傳樸學仕偶聖時本無意
於功名徒自勤於翰墨因時乏使亟塵言事之班竊食
無功復預聞政之列纔經九歲徧厯要塗人心忌其超
遷天意惡其盈滿捫心自省事猶可追任意直前罪所
從出惟闇故不明利害惟拙故不達幾微以至罪積如
山命輕若髮洵經彈擊雖九死以猶輕黜守幽遐累千
里而為近今茲責分留務棄置陋邦不親吏民許追思

其過咎稍霑祿秩俾粗免於饑寒人微固無可言恩深繼之以泣自違天日分委泥塗朝本無援恩出獨斷此蓋伏遇皇帝陛下法天廣覆配地兼容雖雷霆之震驚與雪霜之嚴冽未始絕物之命要在厚民之生故茲賤微猶得陳述臣自處本復何言顧惟兄弟二人迭相須為性命江嶺異域恐遂隔於存亡况復墳墓濶踈父子離散若臣家之憂患實今世之孤窮靜言思之誰可告者惟有自投於君父庶幾有冀於生全泣血書詞叩聞

仰訴生有捐軀之日死存結草之誠臣無任瞻天望聖
激切屏營之至謹奉表稱謝以聞

饒州居住謝表

孔平仲

幾死得生自南徂北蒙還舊秩獲處善邦啣恩涕零省
咎心悸臣學問褻淺知識鈍昏妄陳答詔之言自擬投
荒之辱瘡癘侵薄骨肉分離安知此身復見今日此蓋
伏遇皇帝陛下離明燭遠渙澤蘓枯盡返得罪放逐之
人大開自新湔洗之路而仰食者衆須舟以行風波多

虞疾病間作所恃朝廷之寬大不誅道路之濡留驚魂
初招餘孽未遑更當刻勵少答存全

知饒州謝表

洪皓

禁林浹日未遑坐席之溫鄉郡一麾偶遂分符之便雖
始願不敢及此豈匪人乃能得之爰奉庭闈即趨官守
伏念臣生而性介天與數奇膺真主之誤知建單車而
出使茹毛北海已驚半世之遷除館西河幾絕一生之
望敢期天幸獲以身還方深故土之懷猥辱高門之召

果聞取戾旋致疾顛上印綬以歸田因為輕典佩銀黃
而夸里更沐垂恩捧檄入門過家上冢桑梓遂晨昏之
願松楸寃夢寐之思行道觀瞻合宗感涕茲蓋伏遇皇
帝陛下合德天地翫心神明常思四表之歡不錄萬里
之過而臣空行空反曾蔑效於秋毫乍佞乍賢尚叨榮
於畫錦內而自訟其又奚言敢不上體至仁仰圖共理
奉三年之計自惟無補於朝廷推一日之長庶或兼容
於獄市

饒州到任謝表

王十朋

際時遇主協五百世之昌期共理分符叨二千石之重
寄試之民事簡在帝心伏念臣奮身諸生肄業太學上
皇親策權居多士之先陛下誤知眷出羣臣之右方御
天之十日畀近地之一麾旋蒙召還屢辱賜對魏徵之
蘊幾展盡賈誼之言畧施行曾未閱於三時已徧更於
數職遽從憲府擢貳天官人言遭際之非常臣懼寵榮
之過分力辭成命果獲俞音榮聯書殿之名假守便藩

之郡身獲全於進退恩不替於初終况此楚東之大邦
實為江右之奧壤顏真卿英風如在范仲淹遺愛猶存
巨賈何人可預茲選茲蓋伏遇皇帝陛下法舜受禪體
堯宅天廣收衆正而首及滯淹樂聽讜言而不罪狂直
遴選朝廷之士疇咨岳牧之臣雖地分內外之殊而心
幾輕重之異知臣本出乎白屋謂臣可牧夫細民札布
十行憂分千里臣敢不仰奉德意力宣教條雖才非太
公不能五月報政然忠猶杜甫未嘗一飯忘君

遺表

胡銓

有生必死何足動心無路報恩實不瞑目興言氣鬱戀
關神馳竊念銓奮自孤生早陟臚仕不識忌諱自取顛
隳太上赦臣於萬死一生之中陛下擢臣於九卿六官
之列曾何補報徒積罪尤久違闕廷待盡田野屢昇真
祠之逸復叨祕殿之崇收名節以遂其愚許挂冠以優
其老身塗草野雖自誓於平生命在膏肓恨不獲其死
所強支微喘更畢餘忠伏願皇帝陛下舍已從人安民

和衆大秦襄復讐之義監周公無逸之書任忠直之士而勿親便佞之人守祖宗之法而勿聽紛更之說益堅初志懋建豐功混中外於一家壯基圖於萬世臣莫瞻九陛行即三泉相如草封禪以貢諛竊所不敢張巡為厲鬼以殺賊死亦不忘

南康軍到任謝表

朱子

臣熹言伏奉敕命差臣權發遣南康軍尋具辭免奉聖旨不允令疾速前去之任候任滿前來奏事臣已於淳

熙六年三月三十日到任交割職事訖者迂愚無用久
陪香火之班臨照不遺驟假兵民之寄懇辭弗獲宣布
云初感極涕零愧深汗洽伏念臣受材凡近賦性顓蒙
能讀古人之書豈識當世之務頃蒙登進獲奉清閒繼
遠跡於邱樊遂閱歲華之久顧馳心於魏闕敢忘葵藿
之誠中兩奉於除書亦屢祗於召節銜哀抱病既莫效
於驅馳假寵疏榮反繆膺於眷獎方誓堅於素守庶少
答於殊知豈意因仍復階任使論資校考既已極於超

踰揣分量能懼愈難於稱塞矧自乖於夙志又仰負於
前恩雖嘗控瀝而莫回終坐懦慵之無守遂扶衰朽暫
別故山已見吏民具宣德意豈曰昨非而今是實繇義
重而身輕此蓋伏遇皇帝陛下性得堯仁道高舜哲念
安民之不易故慮尤軫於遠方謂知人為甚難故用或
收於棄物致茲孱瑣亦備使令臣敢不仰奉詔條俯詢
民瘼儻粗間於疾疢詎辭撫字之勞冀少假於旬時卒
上退藏之請尚全末路克對寵光

代舅曾使君知筠州謝表

呂祖謙

九畿星拱並受詔條萬乘天臨誕敷宸指雖陋邦之代
置亦德意之親承具以聖謨告於喬土竊以舜門穆穆
韓瑞以朝諸侯湯網恢恢受球而綴下國思皇盛旦率
履舊章肆勤前席之咨傳及左符之寄腹心屏翰臂指
豪英凡拜賜於朱轡咸觀光於丹宸如臣者至譎而拙甚
愚以疎弓箕久負於家傳簪笏偶逃於官謗長江右壤
筠水附城盼竹使以承流已過斗升之量歟楓宸而錫

對幸瞻咫尺之顏此蓋伏遇皇帝陛下濬哲文明剛健
中正下天上地酌民瘼以廣求小紀大綱收主威而總
攬邈在河山之外皆如庶陛之前臣敢不遵奉章程慰
安黎庶惇行教化漸消珥筆之風恪守部封少効挈鉞
之智

知筠州謝到任表

楊萬里

需章旬外退以其私便郡疏恩過於自擇地與期而俱
近感及喜以交併不勞載驅已抵所治伏念臣學問將

落行能無稱巖居川觀施諸時而莫可草耕木茹願其
外以奚為際熙運之休明彙羣才而登進再收遠跡誕
寘周行念文教之忠云既勞而後食然身其餘幾如未
老而先衰兒女滿前婚嫁未畢方抒情而地踏忽從欲
以天矜海上仙山隔蓬萊於弱水江西道院製菡萏於
劍池仰惟君父之恩何有中外之間茲蓋伏遇皇帝陛
下立心咸五侔德疇三若予厚下之仁怙冒率土咨汝
宅生之吏惠鮮小民無愛珪符下逮檮櫟臣敢不祇若

德意宏敷詔條令修庭戶之間所先豈弟民和隴畝之
上茲謂答揚

謝皇太子頒賜誠齋二字牋

玉宇寶書賜一雙之白壁槿籬茅棟騰千丈之瑞光自
愧野人恭承嘉惠茲益伏遇皇太子殿下學闡百聖天
縱多能於兩宮問寢之餘傳二聖揮毫之秘龍盤虎卧
得精妙於太皇霧結雲霏憲昭回於今上某敢不刻諸
琬琰垂厥子孫袖有驪珠函山川之輝媚家無儋石藏

星斗之文章

袁州到任謝表

劉克莊

遭嘖言而去國自屏空山奉明詔以典州且叨善地已
臨封域具布詔條伏念臣本起鰥生最為拙宦偶逢總
攬遂忝旁招猥塵公府之僚嘗奉便朝之對莫施螢爝
裨日月之清明雖批龍鱗覺雷霆之開霽惟小臣之孤
立恃明主以少安及速抨彈尚蒙涵貸支離賦粟方此
養病象罔得珠俄而起廢惟袁為郡舊名安靜之區與

盜比鄰今亦孤危之地城空無備兵少且孱以妄庸繆
分千里之憂恐倉卒難待一朝之變而况別慈顏於膝
下魂夢屢驚旅隻影於天涯宦遊奚樂徒有君親之一
念若為忠孝之兩全茲蓋伏遇皇帝陛下奮發主威作
新吏治謂多壘艱虞之際務使民安凡錄屏臨遣之人
率由聖擇乃如臣等亦在數中臣敢不厚培本根申畫
封守長江之險與我共願為強敵之防四境不治如之
何此則微臣之罪

貢布表

舜絃方奏適當被袵之時禹服攸同爰謹貢絺之典意
均芹曝禮寓篚苞恭惟皇帝陛下寶以儉慈麗惟道德
輕徭薄賦首捐布縷之征固本深根尤絀繭絲之說凡
受專城之寄謹修任土之宜臣叨守春臺遐瞻薰殿屬
屆金流之候初御微涼雖非火浣之良庶存故實

饒州到任謝表

王炎

祝釐散吏甘弛擔於田廬起發誤恩濫把麾於鄰郡榮

似畫遊之繡懼增夕飲之冰伏念臣蹢蹢獨行棲棲平
進晚遇聖神之采擇偏受學館之清華並躡郎曹躡升
戎監得踰其分自速顛隳行負於言徒深懲創方念過
都之鷁退敢期出塞之馬歸再閱期年游叨名節起之
閒館畀以守符雖微饒一水之相通最為便地而顏范
二賢之所治亦號名城第旱澇之相仍且公私之俱困
欲施舍則財於何取務趨辦則民將不堪驚緩無庸鴻
私難稱茲蓋伏遇陛下知人則哲御衆以寬捨其舊而

圖新俾之改過用所長而去短咸以撥煩雖合棄捐特
加收拭臣敢不省躬玷闕厲志廉平因密邇於里居易
講求於民瘼廣朝廷寬大之德專務撫摩消田里歎愁
之情稍蘇彫瘵

青田義門謝恩表

陸冲

十世義居旌表已頒於廊廟九天申命敕書復畀於門
閭乾坤之露澤新承里宅之風聲益振叨塵過分榮耀
下懷臣誠惶誠恐稽首頓首臣聞修身齊家乃大學之

根本化民成俗實聖治之權輿自唐有張公藝以來至
我宋彭氏程氏而下懷終始同居之義乃荷蒙聖典之
褒眷念儒門尤加篤愛以茲二老乃先知先覺之民政
奉兩朝賜文達文安之謚既以千餘指宗支之衆聚於
二百年古屋之間詩禮相傳饗飮合巹祇謂閭閻之共
處詎期綸綍之昭垂郡邑爭先而快覩室家相慶以騰
歡自愧深恩孰茲報稱茲蓋恭遇皇帝陛下化民長久
需澤豐隆中三極以作君奄四海以光宅人處唐虞之

治比屋可封士遵洙泗之傳里仁為美遂令瑣末亦被
寵榮臣敢不仰體聖恩俯察族類聖益聖明益明長藉
照臨之德老吾老幼吾幼盡叨孝弟之誠臣無任激切
屏營之至

十一月視印於南康境上閏十二月到司謝表

徐鹿卿

近日長安甫祝釐而西去觀風江潯誤將指以東來循
牆莫遂於懇祈入境具宣於寬大俯慚忝竊仰戴生成

伏念臣空抱古心豈堪世用少遊場屋志一第以為榮
壯踐仕塗蔑寸功之自見當路過為之汲引明時曲示
於收羅由彫邑以登朝起祠庭而予郡固未嘗違道干
譽亦不敢因公病私偶無得罪於軍民安有隨車之老
稚殆饑渴易為於飲食非涓埃可益於海山入玷郎闈
躡陞省闈上恩深厚但知空臆以盡言世論嶮巇必欲
索瘢而洗垢絲毫無此天日臨之置散投閒正尋盟於
鷗鷺取長捨短忽促駕於騏駟固辭非所以效忠冒進

又幾於鮮恥莫回遠聽祇拜溫綸饑歉頻年曷給馬牛
之運流離滿野孰安鴻雁之居會是么麼可供任使茲
蓋伏遇皇帝陛下與人而不求備嘉善而矜不能念臣
意在愛君忍終加於棄絕察臣才非經世尚粗竭於拙
勤畀以皇華責其後效臣敢不盡忱體國悉力為民一
江數千里風寒諒書生之何補九州四十三屬邑庶濬
澤之周流

戊午賜御書味書閣遺安堂六大字謝表

書帷夕說閱日未幾易晝芒寒自天有隕神筆一施於
潤澤衡茅倍長於聲光目盡駭於榮觀手不知其自舞
臣某恭以我宗淵微之家學每因暇日遊戲於法書有
如私室之扁題尤示聖恩之優異或野處賁詞臣之第
或茂功旌勲舊之門藏在名山具存彝典厯數西江之
盛事於昭列聖之宸奎太祖表洪氏之義居光堯書萬
里之齋額然名德乃膺是眷豈么微可擬其倫伏念臣
少也多竒長而無述短檠二尺妄窺往聖之微言破屋

數間近守先臣之故址苟焉葺理於以藏修讀書之眼
已昏負郭之田何有謂學問求放心而已而貧賤庸玉
女於成得一善則服膺食知其味恐多財而益疾獨遺
之安英華自咀於窮年夢寐不忘於清夜淡而弗厭樂
以忘憂此微臣飭已之私亦古者刑家之意輒因閒燕
乞假寵靈方虞缺鉞之誅忽委琳瑯之賜色齊南斗奪
星軫之光芒勢聳乾龍煥雨簾之晶彩增盤谷山泉之
重貫豐城千莫之精陽和不擇地而施海宇舉聞風而

起茲益伏遇皇帝陛下道包萬象天縱多能心上經綸
本廣履細絜之論毫端造化回冰崖雪屋之春凡陪虎
觀之清遊隨探驪珠而必獲察臣研精磨鏡之帖憐臣
嘗躬耕隴之勞爰頒肆筆之書下飭窮山之陋臣敢不
祇承帝賜仰對天章六字寶傳與六經而俱壽百金產
薄期百世以流芳永垂訓於子孫庶酬恩於君父

乞表萬頃幸元龍遺澤表

吳潛

臣聞居賢德以善俗者君子之澤也善善而及子孫者

春秋之義也蓋儀型一方必有善士上之人固當超越故常不間存歿庶足以昭勸懲而敦禮教臣備員江南西路延見父老詢問人物皆言江右夙號多士率為顯人獨豫章裘萬頃高安幸元龍皆鄉之師友不幸以厄窮終其身莫有為之言者恭惟皇帝陛下勵精改紀正氣日伸當世老成博雅之彥收召無遺而此二人者存不及見天日之清明歿不獲沾雨露之膏澤為善而不報識者懼之臣既忝外臺耳目敢不以聞伏見贈通直

郎裘萬頃清名厚德矜式士林博學高文源流賢派方
嘉定時大臣德政萬頃雖蒙收召遇除官則辭之既辭
掌故又辭司直乃乞添差帥屬而去不知者謂為親老
也乃其自度杻鑿又不欲近名耳秩滿不調退歸西山
衡門之下既老且病猶日孜孜以治心養氣為躬行綱
要以忠信孝悌教其鄉黨子弟諸司曹彥約等繼為乞
差遣於朝僅還幕府一月而歿蓋近世以老選調如萬
頃者極少而萬頃不悔也故朝章郎幸元龍英辭偉論

萬字立成直氣雄才一毫不屈分教隨州先臣喜其剛
正奏舉改秩自是宰邑倅州聲滿江漢輕財急義以儒
知兵屢奏書天闕指陳時政忠義激發皆所難言當路
惡其論高志廣亟聞於朝遂令致仕時年方五十有八
襆被而歸日與其徒窮經講學點墨不入帝城大臣諷
令陳乞屹不為動蓋元龍去纔九閱月而路門親政賢
路彙征矣照得萬頃嘗綴朝列有子四上禮部尚為布
衣元龍既登員外郎有子亦與漕薦然以義方所漸不

肯自行陳理一則無澤而厄於天一則澤可及而困於人此江右有識之士尚友論世而每為之慨歎也豈所以扶頽風而起人心哉臣愚欲望聖慈深考春秋之義追懷君子之澤除萬頃已蒙贈官外特與其子從龍補受文資將元龍改正致仕放行合得恩澤俾其子應鑑承受仍與元龍追理生前磨勘酌賞慶典恩例優加贈卹庶使賢者之後不絕於祿仕公議之屈獲伸於明時其於治化實非小補須至奏聞者

知贛州到任謝表

文天祥

九重選牧錫類天寬千里承流奉親地近昉共侯度不
戴王休伏念臣某才本空疎分安孤苦身逢盛代夙自
厲於丹心家有重親晚相依於白髮頃叨漢傳往即楚
封何敬非刑粗殫審克不遑將母私切懷歸嘗懇懇以
陳情冀高高之從欲適蒙異渥特畀近麾繼頒旨以趨
征已鞠躬而祇上祿及一門之微賤恩同大造之生成
茲蓋伏遇皇帝陛下以堯舜之資行曾閔之道嗣寧王

之大厯。庶我成功。奉太后之萬年。與天齊壽。遂使叅求
芻之寄。亦獲供啜菽之歡。臣敢不老老及人。親親為政。
由家達國。期興遜以興仁。以子移臣。寓為忠於為孝。
元

進龍虎山志表

道士 吳全節

臣全節言。皇慶二年三月辛巳。臣全節詣集賢院。言信
州路龍虎山前奉敕重作太上清正一萬壽宮。成有旨。
以其圖來上。臣全節謹以封上山圖。請具錄為志。太保

臣曲出集賢院大學士臣邦寧以聞敕翰林院侍講學士臣明善編述龍虎山志志成以授臣全節者臣全節竊惟茲山邈在江右實神明之都宅人物之奧區道德之家發蹟自漢以世相授承流至今然而傳聞異辭紀載無法雖有名勝隱鬱弗宣風氣之宜理若有待臣全節誠惶誠恐稽首頓首皇帝陛下有相之道無為而成曰清淨以臨民本立之為教自祖宗繼承之際益上下四十餘年嗣天師臣與材子弟父兄傳緒者三世大

宗師臣留孫出入禁闥近承恩者四朝施及微臣嗣陪
祕祝香火瓜華之盛衣冠章綬之榮推恩上及其私親
錫命旁加於子弟其為榮寵可謂至矣而聖眷深重欲
其傳遠與山無窮乃因圖上於新宮爰俾更修於別乘
詞臣涉筆方冊成書雲漢昭回衣被草木雷風鼓舞發
揮山川垂之久長信在金石夫周官職方之載泛及於
方隅漢家封禪之書徒詳於祠禱未若斯志專而不誣
臣全節感激遭逢誓言報稱幸一經於皇覽得藏副於

名山益振玄風少裨至治其龍虎山志三卷謹繕寫成
四冊隨表上進臣黷犯宸嚴無任惶懼激切屏營之至
明

謝特恩賜建忠禮書院瓊恩堂寶澤樓表

夏言

伏蒙聖恩賜臣忠禮書院瓊恩堂寶澤樓特敕有司建
造工部製扁給賜者臣誠懼誠感稽首頓首上言離明
麗正觀經天緯地之文乾健當陽邁風虎雲龍之會道

逢交泰恩出非常御藻宸章日星赫其炳耀華堂雄構
山川賴以光榮渥眷有加矜慚無措恭惟皇帝陛下天
德地業育萬有而同仁湯武堯文冠百王而獨聖清明
旁燭敷大蕪容定禮作樂勅法於羣幾之先制度考文
收功於末論之後取善不遺於封菲錄賢每棄其瑕疵
如臣鄙樸之資亦在甄收之列但臣學未聞道徒有志
於古人才乏通方實無見於當世詎意受知於上聖蒙
恩越出於常流諫署從容久陪國論詞垣密勿數侍講

惟方無亞以詹端旋晉長於宗伯薦膺宮保顯陟孤卿
祇近清光手詔枉厓於朝夕寵頒羣籍恩私優假於尋
常顧蓬華卑棲祇懼天章之襲乃絲綸煥發過叨宸藻
之榮堂扁瓊恩銘刻琬琰之貴樓題寶澤慶流河漢之
光重以書院之名特加忠禮之賜維茲嘉號悉出淵衷
惠錫頻仍褒稱備厚楣扁命冬官之大匠公功勤方岳
之有司盛典彰隆寵恩崇異乃近代人臣之所未有實
前茲世主之所罕施白鹿徒聞匪出玉音之特建紫陽

尚在未緣聖主之親題南紀增輝中朝動色子孫永寶
族里具瞻益將侈百禩之美談詎止專一時之幸會臣
敢不彌堅素節益罄丹心非仁義不陳於前有謀猷則
順於外竭忠於禮仰承聖訓之惓惓以正事君敢易臣
衷之耿耿伏願天休滋至神嘏攸純聖子神孫衍皇圖
於有永天高地厚祝睿算於無疆

國朝

恩免南昌浮糧謝表

朱軾

伏惟我

皇上盛德同天至仁育物撫萬方之版籍無時不念其艱
難運四海之樞機每事必圖其久大重農貴粟唯藏富
於窮簷給復蠲租頻推恩於稔歲猶念江右素稱瘠壤
南昌復有浮糧計畝陞科數獨踰於他郡按圖考賦事
實起於前明

特沛新綸酌裁舊額寬四百年之成賦垂億萬載之洪仁
減唯正之供留諸百姓布非常之德惠此一方嵩祝喧

天歡聲遍野涵濡

帝澤與章水而同深瞻仰

天顏比廬峰而更峻臣等身依北闕籍隸西江詔令傳於
禁中欣喜出於望外乾坤怙冒盡大地以無私雨露栽
培在此邦為尤渥歡欣靡極歌頌難名傾葵藿之微誠
常隨化日率枌榆之舊里共樂淳風臣等謹合詞恭謝
天恩不勝懼忭感戴之至

蠲免額徵錢糧謝表

奏為恭謝

天恩事雍正八年九月十八日奉

上諭朕臨御萬方宵旰勤求惟以愛養斯民為念數年以來除減租稅疊沛恩膏不但旱澇歉收之處蠲賑無施即該省年穀順成不須寬賦而朕欲使民力寬裕每加格外之恩蓋國家經費既敷則藏富於民俾各家給而人足乃朕之至願也查各省錢糧朕特降諭旨蠲免者已多今次第舉行應及於江西湖北湖南三省著將辛

亥年江西湖北湖南三省額徵錢糧各蠲免四十萬兩
又念直隸乃畿輔首善之地應沛殊恩山東今歲被水
之州縣稍多朕心甚為軫念除二省澇溢地方已加意
賑恤並將本年額賦照例蠲免外著將辛亥年直隸山
東通省錢糧各蠲免四十萬兩以上五省共免正賦二
百萬兩各該督撫應仰體朕心嚴飭有司敬謹奉行務
令閭閻均霑實惠倘奉行稍有不善或被官吏侵漁或
有衿棍包攬等弊一經發覺必重治其罪並將大小官

員嚴加議處特諭欽此欽惟我

皇上大德誠民至誠育物恩膏廣沛溥萬物之陽和惠澤
宏施敷九天之湛露布豐亨於海宇懷保功深厯撫恤
於

宸衷勤求念切敷天之下共慶生成大江以西叠霑雨露
益自免除腳耗豁數十萬之舊逋蠲減浮糧甦三百年
之積困截漕分天庾之粟留賑厚鄣屋之生固已大澤
淪肌深仁浹髓矣乃者多黍多稌值大有之豐年尤復

減賦減租流泰階之解澤

溫綸甫降十三郡之協氣旁享曠典頻頒億萬姓之歡心

大洽

皇仁浩蕩彭蠡不足喻其深

帝德崇隆匡廬無能比其峻家給人足民力寬然而有餘
歲稔時和

天恩有加而無已襟江帶湖之地戶慶盈寧水耕火耨之
鄉人歌樂利歡騰童叟喜溢臣民等拜爵彤庭叨榮

聖世瞻雲就日偕父老子弟以啣恩食德服疇合翼軫
斗牛而誌喜勉策勵於駑鈍抒心葵向難酬高厚之恩
積忠愛於惓忱翹首嵩呼願效升恒之祝臣等謹合詞

恭謝

天恩不勝懼悚感戴之至

江西通志卷一百十四